

欽定滿洲源流考卷六

部族六

渤海

唐

〔舊唐書渤海靺鞨大祚榮者始居營州萬歲通天年契丹李盡忠叛祚榮與靺鞨之四比羽各東奔保阻以自固盡忠既死則天命右玉鈴衛大將軍李楷固等討其賊盡破乞四比羽又度天門嶺以迫祚榮祚榮合高麗靺鞨之眾以拒楷固王師大敗楷固脫身還屬契丹及奚盡降突厥道路阻絕則天不能討祚榮遂率其眾東保桂婁新唐書作挹婁之故地據東牟山築城以居之祚榮驍勇善用兵靺鞨之眾及高麗餘燼稍稍歸之聖歷中自立為振通考作震國王遣使通於突厥其地在營州東二千里南與新羅相接東北至黑水靺鞨地方二千里編戶十餘萬勝兵數萬人中宗即位遣侍御史張行岌往招之祚榮遣子大侍將加冊立會契丹與突厥連歲入邊使命不達先天二年遣郎將崔訢往冊拜祚榮為左驍衛員外大將軍渤海郡王仍以其所統為忽汗州加授忽汗州都督開元七年祚榮卒冊立其嫡子桂婁郡王大武藝十四年黑水靺鞨遣使來朝詔以其地為黑水州置長史武藝謂其屬曰黑水途經我境今始與唐家相通舊請突厥吐屯皆即知同去今不計會即請漢官必是與唐家通謀腹背攻我也遣母弟大門藝及其舅任雅新唐書通考皆作任雅相

發兵以擊黑水門藝曾充質子至京師開元初還國至是謂武藝曰黑水請唐家官吏卽欲擊之是背唐也昔高麗全盛時強兵三十餘萬唐兵一臨掃地俱盡今日渤海之衆數倍少於高麗事必不可武藝不從門藝兵至境又上書固諫武藝怒遣從兄大壹夏代統兵徵門藝欲殺之門藝遂棄其衆間道來奔詔授左驍衛將軍武藝上表極言門藝罪狀請殺之上密遣門藝往安西報武藝云門藝遠來歸投義不可殺今流向嶺南乃留其使馬文軌慈勿雅別遣使報之俄有洩其事者武藝又上書云大國示人以信豈有欺誑之理今聞門藝不向嶺南請依前殺却帝遣門藝暫向嶺南以報之二十年武藝遣其將張文休率海賊攻登州詔門藝往幽州徵兵以討之仍令太僕員外卿金思蘭發新羅兵以攻其南境屬寒凍雪深丈餘兵士死者過半無功而還武藝懷怨不已密遣使至東都假刺客刺門藝於天津橋南門藝格之不死詔捕獲其賊盡殺之二十五年武藝卒子欽茂

嗣立

〔新唐書〕渤海本粟末靺鞨姓大氏高麗滅率衆保挹婁之東牟山地直營州東二千里南北新羅以泥河爲境東窮海西契丹築城郭以居萬歲通天中有舍利乞乞仲象者與乞四比羽東度遼水保太白山之東北武后封乞四比羽爲許國公乞乞仲象爲震國公不受命李楷固擊殺比羽是時仲象已死其子祚榮敗楷固兵乃自號震國王地方五千里盡得夫餘沃沮弁韓朝鮮海北諸國先天中拜爲左驍衛大將軍渤海郡王自是始去靺

鞞號專稱渤海祚榮卒其國諡爲高王子武藝立斥大土宇東北諸國畏臣之改年曰仁安卒諡武王子欽茂立改年大興天寶末欽茂徙上京直舊國三百里忽汗河之東卒諡

文王子宏臨早卒族弟元義立一歲國人殺之推宏臨子華璵爲王復還上京改年中興

卒諡成王欽茂少子嵩鄰舊唐書作隣立改年正歷諡康王子元瑜立改年永德諡定王弟言

義立改年朱雀諡僖王弟明忠立改年太始立一歲卒諡簡王從父仁秀立改年建興其

四世祖野勃案野勃當爲伊伯之轉音滿洲語令進也祚榮弟也仁秀頗能討伐海北諸部開大境宇有功卒

諡宣王子新德早卒孫彝震立改年咸和卒弟虔晃立虔晃卒元錫立初其王數遣諸生

詣京師太學習識古今制度至是遂爲海東盛國地有五京十五府六十二州以肅慎故

地爲上京曰龍泉府領龍湖渤三州其南爲中京曰顯德府領盧顯鐵湯榮興六州濊故

地爲東京曰龍原府亦曰柵城府領慶鹽穆賀四州沃沮故地爲南京曰南海府領沃晴

椒三州高麗故地爲西京曰鴨綠府領神桓豐正四州曰長領府案遼史作長嶺古字相通考今吉林烏拉城西

南五百里有山名長嶺子滿洲語謂之果勒敏珠敦南接納增窩集北接庫呀訥窩領瑕

集自長白山南一嶺環繞至此綿亘不絕爲衆水分流之地渤海府名當取諸此領瑕

河二州夫餘故地爲夫餘府常屯勁兵扞契丹領扶仙二州鄭頡府領鄭高二州挹婁故

地爲定理府領定潘遼志作潘當係此誤二州安邊府領安瓊二州率寶故地爲率寶府領華益建

三州拂涅故地爲東平府領伊蒙陀通考作陀黑比五州鐵利故地爲鐵利府領廣汾蒲海義

歸六州越喜故地爲懷遠府領達越懷紀富美福邪芝九州安遠府領寧湄慕常四州又

鄂銅涑三州爲獨秦州涑州以其近涑沫江蓋所謂粟末水也後魏城門幽州節度府與
相聘問自榮平距京師蓋八千里而遠後朝貢至否史家失傳唐考册府元龜渤海朝貢在唐時至會昌間止今詳於

後

册府元龜唐元宗先天二年二月封靺鞨大祚榮爲渤海郡王祚榮聖歷中自立爲振國
王在營州東二千里兵數萬人至是遣郎將崔訢往册命祚榮左驍衛員外大將軍渤海
郡王仍以其所統爲忽汗州都督自是每歲遣使朝貢開元七年祚榮卒遣使弔祭立其
嫡子桂婁郡王大武藝襲爲左驍衛大將軍渤海郡王忽汗州都督八年六月册武藝嫡
男大都利行爲桂婁郡王二十年武藝卒其子大欽茂嗣立二十一年渤海靺鞨越海來
侵登萊殺刺史韋俊詔新羅王金興光發兵伐之貞元十一年二月令內常侍殷志瞻往
渤海册大嵩璘爲郡王嵩璘欽茂之子也十四年三月加大嵩璘銀青光祿大夫檢校司
空册爲渤海國王依前忽汗州都督嵩璘父欽茂以開元間襲郡王都督左金吾大將軍
天寶中累加特進太子詹事賓客寶應元年進封國王大歷中又累拜司空太尉及嵩璘
嗣位時但授其郡王將軍嵩璘遣使敘理更加册命焉貞元二十一年復加金紫光祿大
夫檢校司徒元和元年加檢校太尉四年嵩璘卒册男元瑜爲銀青光祿大夫檢校秘書
監充忽汗州都督渤海國王八年元瑜卒以其長弟權知國務言義襲十三年以知渤海
國務大仁秀爲國王十五年加仁秀金紫光祿大夫檢校司空太和五年以權知國務大

彝震襲爲國王

册府元龜唐開元九年渤海大首領來朝十年遣其大臣味勃計來朝授大將軍十二年

遣其臣賀祚慶來賀正且十三年遣首領烏借支蒙來賀正首領謁德來朝授果毅王弟

大昌勃價來朝授左威衛將軍留宿衛十四年渤海王子大都利行原文作渤海王大都

實未嘗來朝惟開元八年封王子大都利行為桂婁郡王蓋渤海之支郡下文亦稱宿衛王子大都利行卒此處係脫二字謹增來朝授左武衛大將軍

留宿衛王子義信來朝十五年大昌勃價還國封襄平縣開國男王弟大寶方來朝十六

年宿衛王子大都利行卒贈特進令有司護歸國首領於夫須來朝授折衝十七年獻鷹

及鯢魚王弟大胡雅來朝授遊擊將軍留宿衛王弟大琳來朝授中郎將留宿衛十八年

王弟大郎雅來賀正大首領遣使知蒙獻馬三十四匹烏那達初案烏氏爲渤海大姓那達

丹珠之轉音也來獻海豹皮五貂鼠皮五瑪瑙杯一馬三十四匹十九年國王遣大姓取珍等百二

十人來朝二十三年王弟蕃來朝册府元龜喪異門作二十四年並載投蕃太子舍人二十五年首領木智蒙公伯

計等來獻鷹鵠二十六年獻豹鼠皮千張乾文魚百口二十七年王弟大勗進來朝宴於

內殿授左武衛大將軍留宿衛十月使其臣受福子一作優福子來謝二十九年遣失阿利來

朝天寶二年王弟蕃來朝留宿衛自天寶迄大歷一歲皆二三至建中元年三年並來朝

貞元七年以賀正使大常靖爲衛尉卿王子大貞幹來宿衛十年以來朝王子大清允爲

右衛將軍十四年以王姪大能信爲中郎將元和元年二年四年並遣使二年進奉端午

使楊光信逃歸榆關吏執以至五年遣其臣高才南及其子大延真來朝七年御麟德殿宴使臣賜官告三十五通衣各一襲八年遣辛文德等九十七人九年遣高禮進等三十七人大孝真等五十九人來朝十年賜使者茹貞壽大呂慶等告遣王子大庭俊等一百一人來朝十一年授使人高宿滿等官十二年十三年十五年長慶二年四年寶曆元年二年太和元年三年五年並遣使朝貢六年遣王子大明俊來朝七年遣同中書右平章事高賞英謝冊命開成元年遣王子大明俊來朝滑青節度使奏渤海將到熟銅請不禁斷四年遣王子大延廣來朝會昌六年遣使來朝

五代

〔五代史〕渤海本號靺鞨唐高宗滅高麗徙其人散處中國置安東都護於平壤以統之武后時契丹攻北邊高麗別種大乞乞仲象與靺鞨長乞四比羽走遼東分王高麗故地武后遣將擊殺乞四比羽而乞乞仲象亦病卒仲象子祚榮立因并有比羽之衆其衆四十萬人據挹婁臣於唐中宗時以爲忽汗州都督封渤海郡王其後世遂號渤海其貴族姓大氏開平元年國王大諲譔遣使者來訖顯德常來朝貢國土物產與高麗同諲譔世次立卒史失其紀

〔五代史〕契丹附錄契丹欲攻中國患渤海等在其後欲擊渤海懼中國乘其虛乃遣使聘唐以通好明宗遣供奉官姚坤至西樓契丹主方東攻渤海坤追至慎州見之契丹主曰

昨聞中國亂欲以甲馬五萬往助我兒而渤海未除志願不遂因攻渤海取夫餘一城以

為東丹國通考與此同

舊五代史出榆關行砂磧中七八日至錦州又五六日過海北州又行十餘日渡遼水至渤海國鐵州又行七八日至南海府天成元年十一月青州霍彥威奏得登州狀申契丹先發諸部攻逼渤海自契丹主卒雖已抽退尚留兵馬在夫餘城今渤海王弟部領兵士攻圍夫餘城契丹

通鑑同光二年契丹擊渤海之遼東無功而還天成元年復擊渤海七月拔夫餘城

宋史渤海併有夫餘肅慎等十餘國歷唐梁後唐朝貢不絕後唐天成初為契丹攻夫餘城下之改夫餘為東丹府命其子托雲舊作突欲留兵鎮之契丹主卒渤海王復攻夫餘不能

克歷長興清泰遣使朝貢周顯德初其豪崔烏斯等三十人來歸其後隔絕不復通宋會要與

此同案烏斯當為烏蘇之亂蒙古語水也

冊府元龜梁開平元年五月渤海王子大昭順貢海東物產三年三月渤海王大諲譔遣其相大誠諤朝貢進人口及貂皮熊皮等乾化元年遣使來賀二年五月遣王子大光贊進方物後唐同光二年正月遣王子大禹謨五月遣其姪元讓並來朝貢三年使臣裴璆貢人參松子昆布黃明細布貂鼠被一褥六髮靴革奴子二拜右贊善大夫天成元年四月遣使大陳林等百十六人進兒口女口三及人參昆布白附子虎皮等七月使人大昭

佐等六人朝貢十一月青州奏契丹先發諸部攻渤海自契丹主卒雖已抽退尚留兵夫

餘城今渤海王弟部領兵士攻圍夫餘四年渤海遣使高正詞貢方物長興元年正月青

州奏差人押渤海平憲一行歸本國被黑水剽劫今得黑水兀兒狀及將印紙一張進呈

二年使人文成角來朝貢三年正月遣使來朝應順二年十一月遣使列周義入貢

案後唐愍

帝應順改元止三月即為路王清泰元年考五代史載清泰二年渤海遣使者來是應順當係清泰之誤

通考後唐同光二年渤海王遣姪學堂親衛大元讓

原本避宋漢王允讓諱改讓為謙今據册府元龜改原本

册三字今據册府元龜補試國子監丞三年及天成元年俱遣使入貢先是契丹太祖兵力雄盛東北

諸國多臣屬之以渤海土地相接常有吞併之意是歲率諸部攻渤海夫餘城下之改夫

餘城為東丹府命其子托雲鎮之未幾安巴

舊作阿保機今改

死命其弟率兵攻夫餘城不克

而還四年及長興二年三年四年清泰二年三年俱遣使貢方物周顯德元年渤海國烏

思羅等三十人歸化其後隔絕不通

宋

宋史太平興國四年太宗平晉陽移兵幽州渤海首領大鸞河率小校李勛等十六人部

族三百騎來歸以鸞河為渤海都指揮使六年賜烏舍城浮渝府渤海瑗府王詔令助攻

契丹九年春宴大明殿召鸞河慰撫久之謂殿前都校劉延翰曰俟高秋戒候當與駿馬

數十匹令出郊遊獵以遂其性因以緡錢十萬併酒賜之

案渤海無浮渝府當即夫餘府音近而訛

宋會要太平興國六年賜渤海烏舍城清渝府宋史作渤海瑋府王詔曰聞爾國爰從前

代本是大藩近年以來頗為契丹所制宜盡率部族來應王師朔漠之外悉以相與渤海

大國近來服役於契丹至是將發師大舉故先告諭俾為應也淳化二年以渤海不通朝

貢令女真發兵攻之凡斬一級給絹五匹徽宗政和八年五月臣僚言登州與渤海相望

熙寧中巡檢每季下北海馳基島駐劄以馳基石為界自北朝通好不會根理深慮渤海

相近作過則馳基寨孤立乞以末島嗚呼島為界併欽島添置望兵令戍守往來巡邏

詔令指畫聞奏不得希功生事

通考定安國宋開寶三年遣使入朝太平興國中詔其國張犄角之勢同伐契丹六年冬

遣使上表云定安國王烏元明言臣本高麗舊壤渤海遺黎保據方隅涉歷星紀頃歲契

丹入侵境土攻破城寨俘掠人民臣祖考守節不降與眾避地僅存生聚以迄於今而又

夫餘府昨背契丹並歸本國災禍將至無大於斯所宜率兵助討必欲報敵其末題云元

興六年十月日土答以詔書令其協力同伐契丹端拱二年其王子獻馬及雕羽鳴鏑淳

化二年王子大元上表後不復至按烏氏為渤海著姓詳表中所敘當係渤海舊臣保守方隅不肯降遼者高麗舊壤在渤海為鴨綠府夫餘復

歸事遼史未載

宋薛暎記渡潢水石橋旁有饒州唐於契丹嘗置饒樂今渤海人居之

遼

遼史本紀太祖神册二年渤海遣使來貢四年修遼陽故城以渤海戶實之天贊三年渤海殺遼州刺史張秀實而掠其民四年十二月親征大諲譔丁巳次商嶺夜圍夫餘府天

顯元年正月庚申拔之丙寅命特哩袞舊作揚阿敦舊作安前北府宰相蕭阿固齊舊作

只今等將萬騎為先鋒遇諲譔老相兵破之是夜大元帥耀庫濟舊作堯南府宰相蘇北

院額爾奇木舊作夷商薩納齊舊作斜涅南院額爾奇木迪里舊作迭圍忽汗城辛未諲

譔率僚屬三百餘人出降上優禮而釋之甲戌詔諭渤海郡縣丙子遣近侍康末怛等十

三人入城索兵器為邏卒所害諲譔復叛攻其城破之駕幸城中諲譔請罪馬前詔以兵

衛諲譔及族屬出帝還軍中二月安邊鄭頡南海定理等府洎諸道節度刺史來朝慰勞

遣之甲午復幸忽汗城改城名天福改渤海國為東丹册皇太子貝為人皇王以主之以

皇弟塔喇舊作迭為左大相渤海老相為右大相渤海司徒大素賢為左次相耶律伊濟

舊作羽之今改為右次相赦其國內三月遣額爾奇木康默記等攻長嶺唐書通考府已安邊

鄭頡定理三府叛遣阿敦討平之乙酉以大諲譔舉族行五月南海定理二府復叛大元

帥耀庫濟討之七月鐵州刺史衛鈞反耀庫濟攻拔之八月康默記等攻下長嶺府耀庫

濟討平諸州太宗天顯三年遷東丹即夫民以實東平其民或亡入新羅女真五年以渤

海戶賜皇弟拉呼舊作李聖宗統和四年涿州之役渤海小校貫海等叛入於宋十四年

渤海雅必舊作燕頗今改等侵鐵驪遣奚王和碩努等討之不克削和碩努官二十一年四月渤

海雅必舊作燕頗今改等侵鐵驪遣奚王和碩努等討之不克削和碩努官二十一年四月渤

海部遣使來貢聖宗開泰八年置東京渤海承奉官都知押班遷寧州渤海戶於遼土二河之間太平八年以渤海宰相羅漢權東京統軍使九年八月東京實里舊作舍利今改軍詳袞

舊作詳大延琳囚留守駙馬蕭孝克及南陽公主殺戶部使韓紹勳等即位號其國為興

遼年為天慶延琳先與副留守王道平謀道平夜踰城與延琳所遣召黃龍府黃嗣者俱

至行在告變上即徵兵進討時蕭丕勒迪舊作匹敵今改治近延琳先率兵據其要害絕其西渡

之計渤海太保夏行美先戍保州延琳密馳書使圖統帥耶律布爾古舊作滿古今改行美反以

實告布爾古遂殺渤海兵八百人而斷其東路延琳知黃龍保州皆不附遂分兵西取瀋

州節度副使張傑聲言欲降故不急攻及知其詐而已有備攻之不克而還時南北女真

皆從延琳及諸道兵皆至延琳嬰城固守命燕王蕭孝穆等攻之十年八月延琳將楊祥

世夜開南門納遼軍擒延琳渤海平詔渤海舊族有勲勞材力者敘用餘分居來隰遷閩

等州天祚帝天慶五年二月饒州渤海古裕舊作古欲今改等自稱大王以蕭色佛呼舊作謝佛留今改

等討之為古裕所敗以南面副部署蕭圖斯哈舊作陶蘇幹今改為都統赴之五月及古裕戰敗

績丙辰獲古裕等六年正月朔東京裨將渤海高永昌稱隆基元年閏月貴德州守將耶

律伊都舊作余都今改以廣州渤海附永昌二月張嘉努誘饒州渤海攻陷高州三月饒州平五

月金軍破東京擒高永昌七月春州渤海叛尋降

續通考遼太祖嘗親征渤海大譚譔拔夫餘府誅其守將遂圍忽汗攻破其城詔以兵衛

譚讓及族屬以出改渤海爲東丹忽汗城爲天福册皇子貝爲人皇王以居之衛送大譚讓於皇都西城名譚讓曰烏爾古舊作烏魯妻曰阿勒扎舊作阿里改夫餘府爲黃龍府世爲遼重鎮

〔遼史營衛志〕太祖宏義宮以心腹之衛置益以渤海戶永興宮以太祖平渤海俘戶等置敦睦宮以渤海建瀋巖三州戶置

〔遼史兵衛志〕天顯元年滅渤海國地方五千里兵數十萬五京十五府六十二州盡有其衆契丹益大遼國兵制詔諸道徵兵惟南北奚王東京渤海兵馬雖奉詔未敢發兵必以聞上遣大將持金魚符合然後行遼東爲渤海故國太祖以其地建南京遼陽府統縣六轄軍府州城二十六有丁四萬一千四百

〔遼史地理志〕太祖東併渤海得城邑之居百有三東京道遼陽府本朝鮮之地後爲渤海大氏所有併吞海北地方五千里兵數十萬

金

〔金史粟末靺鞨始附高麗姓大氏李勣破高麗粟末靺鞨保東牟山後爲渤海稱王傳十餘世有五京十五府六十二州太祖二年執寧江州渤海大嘉努次扎錫舊作扎水遇渤海軍攻我左翼七穆昆舊作謀衆少却敵兵直犯中軍太祖射耶律色錫舊作謝死敵大奔十月召渤海梁福烏達喇舊作幹答使僞亡去招諭其鄉人曰女真渤海本同一家我

興師伐罪不濫及無辜也收國二年詔渤海諸部官民已降或爲軍所俘獲逃遁而還者勿以爲罪其酋長仍官之且使從宜居處太宗天會四年命貝勒舊作李大臬以所領渤海軍八明安舊作猛安今改爲萬戶

〔松漠紀聞〕渤海國去燕京及女真所都皆千五百里以石壘城脚東並海其王以大爲姓右姓曰高張楊寶烏李不過數種部曲奴婢無姓皆從其主男子多智謀驍勇出他國右至有三人渤海當一虎之語契丹太祖滅其王大諲譔徙其名帳千餘戶于燕給以田疇蠲其賦入往來貿易關市皆不征有戰則用爲前驅天祚之亂聚族立姓大者於舊國爲王金人討之軍未至其貴族高氏棄家來降言其虛實城遂陷契丹所遷民益蕃至五千餘戶勝兵可三萬金人慮其難制頻年轉戍山東每徙不過數百家至辛酉歲盡驅以行其居渤海故地者仍契丹舊爲東京置留守有蘇扶等州蘇與中國青州登州相直契丹東丹王封於此自蘇乘後浮海歸後唐

〔遼東行部誌〕瀋州在唐時嘗爲高麗侵據唐季不能勤遠爲大氏所有傳國十餘世當五代時契丹與渤海血戰數十年竟滅其國于是遼東之地盡入于遼

謹案渤海處黑水靺鞨之南實靺鞨之粟末部也南併百濟北兼黑水幅員五千里在東方最爲大國大氏自唐則天時建國迄於後唐歷二百餘年官府制度燦然大備其世次傳受及使命往來史皆詳述惟是遼紀稱天顯元年太祖破忽汗城獲王大諲譔遂併其

地改渤海爲東丹國而諸書皆云取夫餘一城以封托雲太祖旣崩渤海王復攻夫餘不能克似譚譚尚在而宋太宗時有賜渤海琰府王之詔徽宗時登州有置戍巡防渤海之奏似其國至北宋末猶存考之薛史及冊府元龜譚譚旣俘統兵攻夫餘城者爲王之弟卽遼紀所載渤海諸州爲遼攻得者惟忽汗城及西南二京南京止南海一府西京未得者尚有東平安遠等六府其東北之境並未屬遼卽長嶺南海鄭頡定理諸府亦屢平屢叛聖宗十四年紀云渤海侵鐵驪遣奚王討之不能克二十一年紀云渤海來貢是忽汗破後壤地與遼相接者雖已入遼而國人收合餘部別自立王故五代史宋史宋會要通鑑通考皆謂止取夫餘一城也冊府元龜又有後唐遣人送渤海王憲歸國之文憲必王之子弟留中國者長興清泰間使命往來則仍世君其國可知第爲遼所隔石晉又臣遼遂不復至耳至五京十五府六十二州之名詳見新唐書而州止六十考遼志東京道有崇集麓三州皆渤海所置而唐書不載又蓋州亦渤海置而唐書止載益州蓋本高麗之蓋牟城在今蓋平境益州爲率賓故地實係二州則渤海州名固不止六十有二矣遼史又云唐元和時渤海王大仁秀南定新羅北畧諸部開置郡邑其見於志者若龍河會農吉理杉盧沸流鐵利安定銅山安寧諸郡若銀州之改爲富州蓋州之改爲辰州皆唐書所未及也王都忽汗城因河得名以地理及音譯考之當卽今呼爾哈河河源出吉林烏拉界會畢爾騰湖東流經故會寧城北又九十餘里繞寧古塔城南北流七百里入混同

江唐書云渤海上京在忽汗河之東爲肅慎故地新唐志云自安東都護府經蓋牟城又經渤海長嶺府千五百里至渤海王城城臨忽汗海其西南三十里有古肅慎城又曰自神州陸行四百里至顯州又正北如東四百里至渤海王城明一統志亦言金滅遼設都于渤海上京是忽汗城實與古肅慎城金會寧城相近俱在今寧古塔境其北卽黑水境遼史以遼陽當之失之遠矣其餘府州多在今吉林烏拉寧古塔及朝鮮界並詳後遼旣疆域門未能全併渤海以所俘獲散置他處多取渤海州邑之名以名之亦猶黔潭嚴廣蘇潤松江諸州之在遼耳又若大延琳之志恢宗國烏元明之守節不降割據頻興迄于天祚一世金太祖以本屬一家遣人招諭松漠紀聞謂智謀驍勇出他國右至有二人渤海當一虎之語不信然哉

欽定滿洲源流考卷六

原书缺页

原书缺页

原书缺页

原书缺页

其堅也實鐵雖堅終亦變壞惟金不變不壞金之色曰完顏部色尙白於是國號大金改

元收國

按金開國以後具詳金史茲不復載

大金國志女真靺鞨之後也其國在元魏齊周之時稱勿吉至隋稱靺鞨地直長安東北六千里東瀕海分爲數十部有黑水白山等名後爲奚契丹所攻部族分散其居混同江之上者初名女真乃黑水舊部

大金國志女真在契丹東北隅地饒山林國初之時族帳散居山谷地千餘里無城郭居止自後并遼得大遼全盛之地深入中原舉大江以北皆有之疆宇始廣矣

元

元史地理志開元路古肅慎之地隋唐曰黑水靺鞨後屬渤海遼瀋弱黑水復有其地卽金祖之部落也元初立開元南京二萬戶府又設軍民萬戶府五分領混同江南北之地並見後疆域門其居民皆碩達勒達舊作木達達今改女真之人各仍舊俗以射獵爲業設官牧民隨

俗而治

謹按金始祖本從新羅來號完顏氏所部稱完顏部新羅王金姓則金之遠派出於新羅所居有白山黑水南北之境二千里而遙固與

本朝肇興之地輪廣相同大金國志言金國本名珠里真與

本朝舊稱所屬曰珠申相近實卽肅慎之轉音也五代以後盡得靺鞨舊部于是女真之名

始著考之遼史有繫籍不繫籍之分繫籍者惟遷居遼陽南之數千家所謂哈斯罕大王不繫籍者亦間有節度太師之號所謂長白山太師輝發部太師是也金景祖亦曾受遼太師之稱而終不肯受印繫籍遼人于邊境南北二千餘里築城置戍蓋其震懾兵威者至矣自始祖八世十帝遂至太祖應運造邦滅遼臣宋迹其初起眾未滿千洵由山川鍾毓騎射精嫻故能所向無前光啟方夏也奇功偉績具詳金史茲錄其開國時舊部分合之由而完顏氏之隸籍八旗者具載姓氏通譜至若上京及呼爾哈海蘭諸路建置之詳則別載於後疆域門云

建州

唐

新唐書渤海傳率賓故地為率賓府領華益建三州

按建州之名始見於此考率賓故地在吉林烏拉境遼地理志云康州

世宗遷率賓人戶置所屬有率賓縣志云本渤海率賓府地考遼康州及率賓縣俱屬顯州為渤海顯德府地在今廣甯境當亦遷率賓人戶所置非故府地蓋遼志固別有率賓府在遼州定理之間也又鴨綠江本名益州江則益州亦去長白不遠渤海建州固與國初所統之地相近矣

遼

遼史營衛志孝文皇太弟敦睦宮以渤海見修建瀋巖三州戶置屬州三建瀋巖

按此為建州移

于西北之始志云以三州戶置明非渤海建州之舊率賓故地在遼為東京此屬中京遼史所謂在靈河之南者是也

遼史地理志中京道興中府本號霸州彰武軍節度制置建霸宜錦白川等五州建州保

靜軍節度使唐武德中置昌樂縣太祖完葺故壘置州按此云置不言仍渤海之舊其非率賓故地明矣漢乾祐

元年石晉太后詣世宗求於漢城側耕墾自贍許於建州南四十里給地五十頃州在靈

河之南按靈河以元一統志考之當卽凌河屢遭水害聖宗遷於河北唐崇州故地初屬武甯軍隸永興官

後屬敦睦宮統縣二永霸永康按此則建州再移于遼聖宗時其在靈河之南者遼初所置州城是也在靈河之北者自聖宗以後至金元相承不

改考大清一統志在今喀喇沁及土默特地故城在土默特右翼西南一百二十里周二里餘四門與喀喇沁左翼毗連明屬三衛

契丹國志節鎮二十三處有建州

金

金史地理志建州保靖軍刺史遼初名軍曰武甯後更今名金因之領縣一永霸唐昌黎縣地

大金國志刺史七十五處有建州按金承遼舊非渤海建州故地也

元

元史地理志大甯路唐初屬營州貞觀中置饒樂郡遼爲中京大定府金因之元初爲北

京路總管府領川建等十州元至元七年改北京爲大甯仍領川建等州按元承遼金之舊非渤海之建

州也

元一統志金上京故城古肅慎賜諱氏地按圖冊所載京之南曰建州京之西曰賓州又

西曰黃龍府北曰肇州府之東曰永州曰昌州延州東北曰尼嚙千城皆渤海遼金所置

州縣並廢城址猶存海蘭河經故建州東南一千里入於海混同江北流經故建州五十

里會諸水東北流經故上京下達五國頭城按此所云故建州蓋渤海之舊在金上京之南者金之上京自開原東抵富塔自長白

北抵阿勒楚喀幅員甚廣考金地理志云上京山有長白青嶺水有阿勒楚喀混同江拉林河皆在今吉林境又云東至呼爾哈路六百三十里西至肇州五百五十里東南至海

蘭路一千八百里呼爾哈河在甯古塔城旁海蘭河在寧古塔城南四百十里據四至以求其中則金上京正在今吉林城東北阿勒楚喀河旁而渤海之建州東去松花江北流

之所五十里東南去海蘭河一千里亦在吉林境明初土人僧侶舊稱耳又按大清一統志海蘭河有五皆在甯古塔吉林境內一入呼爾哈河三入混同江皆去海遠惟在甯

古塔城南四百一十里源出無名山者東流會布爾哈圖河入海元志所云海蘭應即指此也並詳後疆域及山川門

元一統志確紫河在大甯路金源縣西東南入建州境合于靈河凌河在大甯路與中州

源出龍山縣經本州下流達建州境大凌河自建州界流經興中州東南下流入義州境

凌水在大甯府建州南五里自富庶縣流至本境四十里入興中界一云發源龍山縣南

八十里東北流百里入利州界又北經富庶縣東南三十里入建州境按此所云建州蓋

遼時以渤海建州人戶移置者在凌河南者故城在錦縣西北在凌河北者故城在土默特右翼西南皆非渤海之舊也金源龍山富庶並元大甯路屬縣今屬喀喇沁土默特界

明實錄永樂二年置建州衛十年置建州左衛宣德七年置建州右衛

謹按建州為

本朝岐邠故地州置於渤海本在今吉林境至遼時一移於凌河之南再移于凌河之北金

元相承置節度刺史而建州遂在今錦州邊外喀喇沁土默特之間大抵東土州郡之名

多始於渤海而移于遼遼志所載襲渤海之名而易其地者十居七八如率賓府遼遷其

人戶于今廣甯謂之率賓縣而其故地仍有率賓府在涑州定理之間涑州以涑沫江名

定理府據一統志爲

興京而率賓府興之相連則所領之建州實卽

國初所統之建州也以元一統志考之其祗稱建州者屬興中府在凌河南北爲遼金所置明屬烏梁海其稱故建州者近混同江北流之所卽渤海所置是州雖已移而故地相傳舊稱尙在明初因以名衛耳迨我

肇祖原皇帝始居赫圖阿拉是爲

興京實右衛之地舊邦

新命王迹

肇基恢天作之

鴻模啟億年之

景運嗣後若棟鄂哲陳蘇完及海西之烏拉哈達輝發葉赫長白山之訥殷珠舍哩以至瓦爾喀呼爾哈黑龍江諸部並入版圖東極使犬諾羅諸部罔不率先臣服

東京

盛京以次

締創

出震

乘乾有開必先矣

附金史姓氏考

案金史所載姓氏均與滿洲氏族相合第譯對字訛今悉據八旗姓氏通譜改正仍依百

官志所載序次如左

完顏 金始祖自新羅來居完顏部因以為氏

溫特赫 舊作溫迪罕今改正史云圖們
江水溫特赫部景祖時來附

瓜爾佳 舊作來谷

布薩 舊作僕散

珠格 舊作木虎又作準葛今併改

伊勒圖 舊作移刺答

沃喀 舊作幹勒

旺扎卜 舊作幹準把

阿布哈 舊作阿不罕

珠嚕 舊作卓魯

輝特 舊作回特

輝罕 舊作里加罕

輝羅 舊作會蘭

徹木袞 舊作沈谷

賽密呼 舊作塞蒲里

烏克遜 舊作烏古孫

舒爾圖 舊作石敦

卓特 舊作卓陀

烏蘇占 舊作阿斯準

博提斯 舊作匹獨思

博爾濟克 舊作潘木古

烏實拉 舊作暗石刺

舒古蘇 舊作石古若

珠爾罕 舊作綴罕

光嘉喇 舊作光吉刺 以上皆封金源郡

費摩 舊作裴滿

圖克坦 舊作徒丹

温都 舊作温敦

烏凌阿

舊作乃木魯

阿克占

舊作阿典

赫舍哩

舊作乾石烈

納喇

舊作納蘭

富珠哩

舊作字木魯

珠勒根

舊作阿勒根

納哈塔

舊作納合

實嘉

舊作石蓋

布希

舊作蒲鮮

瓜爾佳

舊作古里甲

阿達

舊作阿迭

尼瑪蘭

舊作聶摸樂

穆延

舊作抹擦

納塔

舊作納坦

烏蘇

舊作兀撒巷

烏新

舊作阿鮮

拜格 舊作把古

温都遜 舊作温古孫

諾延 舊作孛盪

色赫哩 舊作撒合烈

烏色 舊作五塞

哈薩喇 舊作和速嘉

納雅 舊作能儂

阿馬 从原文

巴爾 舊作班兀里

尼沙 舊作聶散

富色里 舊作滿速烈 以上皆封廣平郡

烏庫哩 舊作烏古論

烏雅 舊作兀顏

鈕祜祿 舊作女奚烈

通吉 舊作獨吉

洪果 舊作黃攔

延扎 舊作顏蓋

博和哩 舊作蒲古里

必喇 舊作必蘭

幹哩 舊作幹雷

都克塔 舊作獨鼎

尼瑪哈 舊作尼麗窟又作尼麗古今併改

托羅特 舊作拓特

赫舒 舊作盍散

沙達喇 舊作撒答牙

阿蘇 舊作阿速

薩察 舊作撒剗

卓多穆 舊作準土谷

納木都魯 舊作納諾魯

雅蘇貝 舊作業速布

額蘇哩 舊作安煦烈

愛新 舊作愛申

納克舊作拿可

古勒渾舊作貫益昆

幹色舊作溫散

索歡舊作梭罕

呼雅舊作霍域 以上皆封隴西郡

唐古舊作唐括又作同古今併改

富察舊作蒲察

珠嘉舊作木甲

蒙古从原文又作蒙刮亦作蒙括今併改

伯蘇舊作蒲速

鄂屯舊作奧屯

錫默舊作斜卯

愛滿舊作諳蠻

都克塔哩舊作獨虎木魯

摩年舊作磨輦

伊年舊作益輦

托諾 舊作帖駸

蘇伯林 舊作蘇字輦 以上皆封彭城郡

欽定滿洲源流考卷七

欽定滿洲源流考卷八

疆域一

洪惟我

國家肇造大東覆育區宇輿圖之盛歷古所無

始祖建國鄂多理城

肇祖徙居赫圖阿拉

詒謀考卜實啓

興京

太祖高皇帝以十三戎甲次第削平諸部經始藩遼

太宗文皇帝正號

大清濯征明國臣服朝鮮

世祖章皇帝統一方輿極天所覆罔不率俾溯

王迹之肇基緬神區之鍾萃在原有巘因

陟降而地靈成邑成都啓版圖於日闢若肅慎以下故城舊治及渤海金元之所建置遺踪猶在

沿革可稽臣等謹立疆域一門條舉史傳所載附以考證仍先列

興京及吉林黑龍江將軍所轄於前驗古徵今庶幾瞭如指掌至如奉天錦州所屬四州八

縣之地則具詳

一統志

盛京通志中不復兼載云

興京

謹按

興京周以前為肅慎氏漢晉為挹婁南北朝暨隋為靺鞨唐時渤海定理府遼金迄元為瀋

陽地在

盛京城東微南二百七十里城周五里羣山拱護河水環繞實

本朝邪岐故壤恭考

發祥世紀

始祖居長白山東俄莫惠之野鄂多理城城在

興京東一千五百里甯古塔城西南三百三十里勒福善河西岸

肇祖原皇帝殲仇創業始居呼蘭哈達山下赫圖阿拉

太祖天挺神武相險宅中始

締構於

興京旋

經營於遼瀋東漸海西訖遼西東南及朝鮮北暨嫩江黑龍江以至使犬諾羅諸部罔不臣服

太宗繼伐幅員孔長其城堡之隸

興京境內者有老城城南八里周一里餘高麗城城南一百二十里餘兼廠舊城城南一百四十里餘兼廠新

城城南一百四十里周一里餘清河城城南一百六十里周四里餘山羊峪城城南一百九十里周一里餘瑪哈丹城城南一百一十里周一里餘

百一十里周二里餘 薩爾濇城城西一百二十里內城周三里外城周七里界瀋城

太祖戊午年征明降其城 太祖破明四路兵二十萬於此

親御桴鼓及

命帥奏功者曰烏拉在混同江東尼什哈站北太祖癸丑年平其國有宜罕山城

富勒哈城皆克哈達在開原東北邊外太祖時所謂南關也 輝發國城在輝發河邊扈爾奇

癸丑年攻克哈達在綏化城太祖時所謂南關也 輝發國城在輝發河邊扈爾奇

祖乙未年攻克之葉赫在威遠堡東北近葉赫河岸太祖時所謂北關也 太祖癸丑年

丁未年平其國葉赫在威遠堡東北近葉赫河岸太祖時所謂北關也 太祖癸丑年

取古當阿城烏蘇城在威遠堡東北近葉赫河岸太祖時所謂北關也 太祖癸丑年

伊城是年 親統大兵攻克東西二城平其國東城即葉赫新城西城即葉赫老城

也 蘇克素護河在清河東所屬城寨曰圖倫城太祖癸未年起兵討尼堪外爾于

城乙酉年攻取日嘉木瑚城日沾河寨太祖甲申年征之豐道噶哈嶺乙酉

日古埒城日沙濟城皆癸未以後收服 渾河年敗其兵于太蘭岡吉林崖所屬城寨曰巴

欽定滿洲原流考

卷八 疆域

一

之及爾喀之安褚拉庫內河太祖丙申年征之取屯寨三十餘阿庫里尼滿太宗九年平其部烏爾格辰

崇德二年平其部綏芬太祖雅蘭甲寅年攻克瑚葉太祖己酉年攻克烏爾吉額赫庫倫俱崇德二年

年攻諾羅阿萬天命元年招服呼爾哈之扎庫塔辛亥年攻克烏扎拉崇德五年征服烏爾海倫崇德五年

庫爾喀之拉里禪鐸辰阿薩津多津烏庫爾城卦拉爾額蘇里額爾圖俱崇德五年征服黑龍江

之薩哈連部天命元年征之取其屯寨三十六卦爾察部天命十年十一月兩次征之索倫部崇德五年征之

博和里諾爾噶勒都里崇德八年攻取小噶勒達蘇大噶勒達蘇綽庫禪能吉勒俱崇德八年征降窩集

之赫什赫額木赫索囉佛訥赫托克索俱丁未年征取錫璘太祖甲寅年征取而部落之舉族

內附者曰蘇完戊子年歸附曰雅爾古戊子年歸附瓦爾喀則有斐優太祖丁未年部長為烏拉所

侵率戶五百歸順呼爾哈則有錫喇忻天命元年歸附格伊克哩天命二年歸附納堪泰天命四年歸附托科羅努雅喇

默爾庫勒赫葉俱崇德二年朝貢輝克崇德五年朝貢瑪爾哲賴科爾佛科爾庫薩喀哩俱崇德六年朝貢喀爾

喀木哲克特庫塔圖庫福題希額爾琿齊音庫巴扎拉額題奇薩里尼葉爾北俱崇德七年朝貢

降松阿哩則有巴雅喇天命二年朝貢黑龍江則有杜莫訥武因庫魯木圖納屯俱天命八年朝貢扈爾布爾俄勒

爾色布奇赫赫岱克殷烏魯蘇裕爾根海倫固濃昆都倫烏蘭俱天命九年朝貢扈爾布爾俄勒

俱崇德二年朝貢索倫之薩哈爾察天命六年朝貢博穆博果爾崇德二年朝貢納木丹尼都遜烏喇喀德都爾

俱崇德五年朝貢庫爾喀之賴達爾崇德八年朝貢及延楚地方之庫雅喇即庫爾喀之別名在圖門江北岸與朝鮮之慶遠相對去

甯古塔五百里精格里河瑋春崇德二年朝貢窩集則有那木都魯甯古塔尼瑪察俱庚戌年朝貢

降使犬部則有益青天聰八年朝貢使鹿部則有喀木尼漢崇德元年招降東北邊部落以次入貢者自

甯古塔東北行四百餘里住呼爾哈松花江兩岸者曰諾雷天聰五年朝貢曰克宜克勒崇德二年朝貢

曰祜什哈哩崇德三年朝貢皆編甲入戶自甯古塔東行千餘里住烏蘇里江兩岸者曰木倫

太祖辛亥年征降又東二百餘里住尼滿河源者曰奇雅喀喇又有班吉爾漢喀喇亦在甯古塔東南去烏蘇哩四十里每二年一次遣官至尼滿河地方收貢願賜

自甯古塔東北行千五百里住松花江黑龍江兩岸者曰赫哲喀喇自甯古塔水路

東北行四五百里住烏蘇里松花黑龍三江匯流左右者亦曰赫哲喀喇至其部東北界

共四千五百餘里即使犬國也又東北行七八百里曰費雅喀亦有居處甚遠不能至甯古塔之

塔古三千里之普祿鄉收貢願賜自甯古塔東北行三千里曰奇勒爾即使鹿鄂倫春游牧處所距齊齊

散處山林距齊齊哈爾五六百里直至於大東海皆自古荒遠未聞之地朝貢惟謹遠至邇安廣輪有截

豐水

詒謀莫乎莫並矣

御製盛京賦有序

嘗聞以父母之心為心者天下無不友之兄弟以祖宗之心為心者天下無不睦之族人

以天地之心為心者天下無不愛之民物斯言也人盡宜勉而所繫于為人君者尤重然

三語之中又惟以祖宗之心為心居其要焉益以祖宗之心為心則必思開創之維艱知

守成之不易兢兢業業畏天畏人于是刑兄弟而御家拜斯以父母之心為心也民同胞

欽定滿洲原流考

卷八 疆域

二

而物吾與斯以天地之心爲心也孔子曰明乎郊社之禮禘嘗之義治國其如示諸掌乎
宗廟禘嘗之典固先王繼志述事之大經也然自聖人象大過肇封樹以來上陵之制漢
代已然我國家肇興盛京邠岐之地橋山在焉昔

皇祖六十一年之間三謁

丹陵用展孝敬

皇考在位百度維新日不暇給適西鄙有事徵役已勞又

藩邸時曾奉

皇祖命往謁

祖陵是以十有三年中未舉是典予小子纘承丕基懼德弗嗣深維

祖宗締構之勤日有孜孜敬奉神器言念盛京爲天作之基

永陵

福陵

昭陵巍然在望不躬親祀事其奚以摭慙忱而示來許爰以乾隆癸亥秋恭奉

皇太后發軔京師屆我陪都孝思以申

祖武是仰因周覽山川之渾厚民物之樸淳穀土之沃肥百昌之繁庶洵乎天府之國興王之會
也昔幽居相度召頌公劉岐宅作屏周歌太王莫不於

上帝之鑒觀下民之君宗三致意焉故物以賦顯事以頌宣既見于斯豈默于言乎遂作賦曰
歲大淵獻時巨柳中協律無射辨方庚辛厯吉日以建旗駕應龍之翮鸞紛瀧虛筵蜿蜒旌
雄虹撞鳴鳶周乎神臯之壤屆乎箕尾之躔循我留都殺禋

珠丘懷精氣仰

德流既備既申迺御黼座而覲臣僚維締造之彌艱撫草創之鴻圖日於休哉是蓋突載亭之子
殷躒宅鎬之姬周憑虛致譏于東約安處薦諂于西踰下此離爲十二之國合爲六七之侯
鼎立瓜分者益瓊纒旁魄不足以殫據而孟堅平子太冲者倫方且豔陳嶠函隴坻之隘鹽
池墨井之腴枌詣天梁之麗三條五劇之區極鋪張以詭辨彼何辭迺稱諸奚俾夫天作之
皇宅又何藉長宏與魏舒於是諮文獻考圖冊不愆不文爰賦其略聚精構思挂一漏百粵
我清初肇長白山扶輿所鍾不顯不靈周八十里潭曰闔門鴨綠混同愛渟三江出焉

帝女天妹朱果是吞爰生

聖子

帝用錫以姓曰覺羅而蔽其稱曰愛新是翦是除匪安匪康乃有葉赫輝發界藩撫順遂築城于
遼陽以爲東國之宗

大篤其祐載恢厥功天命十年相險宅中謂瀋陽爲王氣所聚乃建盛京而俯關西故言其封域
則雖始自秦漢厯隋唐以迄遼金歟而舉其規模則維新

如蛇馬驢狗豚獺豹獾出沒乎洶涌潛躍乎游淵蒼龍捷鬚而雲作赤螭掉尾而波開老蚌含珠九光燭天神奇是蘊瓊瑰是生雖山經與地志羌莫得而詳焉懿茲奧區原隰昫昫厥田上中厥壤惟平抱海負益跨遼欲宣渾河爲帶與京爲襟表複陸而坦坦燿拓落而芸芸偉嘉禎之萃蒼信靈齋之綢緼

帝眷東顧用昇皇清而爲萬載之沛豐若其測圭臬度廣輪依繩尺疏渠川歌經始詠攸甯又可略聞矣天命天聰丕顯丕繼因其舊藩拓我新制規天矩地嚮明授時增八門之誅蕩脅九遠之邇迤翼翼俛倪巖巖堞雉起

圖丘於郊南單墀垣之潔秘欽柴賜標陳玉薦幣鼓雲和升繭粟以邀胙饗而昭祀事霜露在履春秋聿遷愼乎優乎肇禋闕宮滌濯毛息元酒太羹

文祖

神宗爰歆于斯符帝車之太乙正王宮于未央重三殿之寶枋表雙闕于闔閭闕名維何文德武功殿名維何崇政建中高樓望氛厥題鳳皇後宮紫極交泰清甯關雝麟趾化洽家邦維樸而安乃肇而臧豈其工槐楹之刻鏤豈其飾棖檉之焜煌豈其疏龍首之嶮嶮豈其扳鳳翼之昂臧匪有心于儉約乃潛揆夫陶唐大政當陽十亭雁行爰諏爰度日贊日襄吉君臣之一德而擴我闔于八荒正號紀元以受天慶于是定兩翼之位列八旗之方黃白紅藍有正有鑲法其象于河鼓則其數于義經神其變于三五握其奇于九宮

大聖創制動協天象是猶易之書契乃觀禘近焉樹以屏翰馭輕居重本支百世昌我宗潢佐命
之勳曰費英東顧都希福績茂肅張曰有坐謀曰有折衝旣彬彬而濟濟亦赴赴而彭彭其
餘附鳳而攀龍者益重載與斗量爰制圖書聿典文教演義譯音物取其肖允惟大海克稱
檢校雖絕域其必通卽織故其亦貌若夫人自爲戰王者無敵角嚴則百壙失憑旌揮則三
邊定檄義不返顧勇不重壁是以救四海而莫撓亘千古而鮮匹故班祿于累世用以酬夫
勞績及其斗杓北指涉冬背秋爰狩中原我戎是修靡虹采曼蜺旂拖霧縶建雲旂後屬重
前導游乘我良產屏彼彫軻右志歸之箭勁左繁弱之弓柔情冽而雷動鴻洞而星流又何
必王良執轡織阿御軻也哉于是帶甲之士百萬盡發鷹犬而驟驊駟卑泰山之爲檣跨渤
海以張杲林林齋齋列列哀哀命地而後中應聲而先培散壑廩之羣友剔穴狸之伏留駭
嘯鷹之儻俟讐郊兔之佻偷卽肩惰指倦而鷹鷹之羣猶緣陵蔽野比夏草之稠焉爰用二
驅示無盡劉更命羽林欣飛之士手豹尾踞虎頭搏洞熊穢澤穢觀壯夫之鶴躍快猛獸之
驅腰乃獻我成禽舍彼踐毛擇其上殺允惟左膘以奉宗廟乾豆烹烈次充賓客乃薦君后
班獲行賞訖乎輿儉是益因天地之利習軍旅之勞戰則克而祭受福古者蒐苗獮狩之禮
所爲昭詎其害二時之土穀奪百姓之腴膏蹂桑柘之地廣虞獵之郊如子虛上林之所嘲
也哉將將蕃后夔夔列君奉贄來朝齊邀侍宸或稽首而請聘或傾心而納姻于是樂以九
奏饗以八珍邁呼韓之朝天踰頡利之舞庭合內外爲一家自我

帝命不時眷清孔厚也不有開之何以培之不有作之何以得之夫其披荆棘冒氛霾歷艱辛躬利害無嬗代之跡而受車書之來者蓋書所謂于湯有光詩所謂民之攸歸矣皇矣陪都實惟帝鄉乃命秉鉞之帥乃置五部之卿民安郡縣旗樂屯莊春秋耕歛我倉我箱朝會朔望躋踏踰踰昭萬年之有道卜百世之靈長乃作頌曰

於鏢盛京惟藩之陽大山廣川作觀萬方虎踞龍蟠紫縣浩穰爰浚周池爰築長塘法天則地陽耀陰藏貸別隧分旗亭五重神基崇峻帝系綿昌周曰邠岐漢惟豐沛白水慶善興王之會長白隆隆滄溟滅滅形勝之選奕世永賴俯臨區夏襟控中外休養百年既豐而秦朔其始謀繼序敢懈昔我

聖祖三至斯土琴麗六飛森沉萬旅孔碩九重不違安處祇謁

山陵亦臨朝宁置酒故宮用酬父老乃需恩施逮乎編戶匪勤于巡良慕乎古閔予弗德實纘丕基歲時

太廟陟降恪思緬仰

鼎湖維瞻維依荷

天之龍際時之和駕言徂東絡繹羽儀風舉雲搖鱗萃魚麗我賔我臣我行是隨載至神鄉載覲園寢靈鬱崇輝祥凝巨瀋原廟衣冠霸陵衾枕松柏雲縵溪流滄澗滌洪鑪陶甄羣品石馬悲風淚泉沾衽豈必羹墻一氣是稟聿造故宮故宮赫赫聿升太階太階奕奕無彩之飾惟厚

之積曠曜翫照歛鵝鳥赤左城石平坤闔乾闢土壁葛燈遐哉儉德詒我孫謀萬年之宅乃
開南端設席肆筵爰爵周親及披鴝鸞南陽故舊洒如豆言惟此嘉師

烈祖之臣是嘏是咻是貽我躬敬之敬之翼翼惴惴於億萬歲皇圖永懸

謹按

盛京建置規模山川地理具詳

開國方略及

盛京通志恭讀

御製賦有可連類考見

興京吉林諸事實者謹錄簡端以昭垂信

吉林

謹按吉林周以前爲肅慎地漢以後屬挹婁靺鞨唐初爲新羅之雞林州尋屬渤海遼於
混同江左右置濱州甯江州稍西爲黃龍府金於混同江左右置肇州隆州信州江之西
爲率賓路南近高麗爲海蘭路皆統于上京元置海蘭府碩達勒達路萬戶府五分領混
同江南北之民甯古塔則渤海之忽汗州後稱上京龍泉府今城西南六十里呼爾哈河
南有古城周三十里內城周五里宮殿舊址猶存金爲呼爾哈路亦統于上京拉林阿勒
楚喀之間則金上京城在焉今城南四里尚有古城及子城宮殿遺址我

朝于吉林烏拉設將軍以統諸城而甯古塔白都訥三姓阿勒楚喀拉林各設副都統分鎮焉時代雖遙山川猶昔按其方域尚可參稽焉爾

黑龍江

謹按黑龍江在吉林東北東西三千餘里南北四千里後魏時曰黑水部屬勿吉唐曰黑水靺鞨跨江分南北部黑水部之北爲思慕靺鞨都利靺鞨窟說靺鞨近西北者爲室韋部唐會要靺鞨傳言思慕等部南與渤海德里府接東至大海北至小海今考黑龍江極北有小海北史所云于已尼大水卽北海當卽指此遼爲女真金屬上京北境及扶餘路溟渤遠環興安層抱重江疊嶂控扼諸藩雖渤海之盛亦不能全有其地也所云思慕都利窟說等地名亦皆得自傳聞未通使傳我

朝德威遠被海隅日出罔不率俾黑龍江諸城爰自

國初望風景附至康熙二十三年設將軍副都統鎮守之與內地郡縣無異固漢唐以來簡冊所不能詳者矣

肅慎四至

後漢書古肅慎國在天餘東北千餘里東濱大海

晉書肅慎在不咸山北

按不咸山卽今長白山

東濱大海西接寇漫汗國北極弱水其土界廣袤數千里

通考魏正始六年毋丘儉討高麗過沃沮千餘里到肅慎南界

舊唐書渤海以肅慎故地爲上京曰龍泉府領龍湖渤三州

肅慎城 肅慎縣

〔松漠紀聞〕古肅慎城四面約五里餘遺堞尙在在渤海國都三十里以石累城脚

〔遼史〕東京路遼陽府肅慎縣以渤海戶置黃龍府黃龍縣本渤海長平縣并富利佐慕肅

慎縣置

〔元史〕開元路古肅慎之地按元時開元路所統甚廣不止今開原一邑元字明初始改原

謹按肅慎疆域僅見于後漢書晉書其國界南包長白北抵弱水東極大海廣袤數千里約而計之正在今吉林甯古塔黑龍江境史云西接寇漫汗國考晉書有寇莫汗國去養雲國馬行百日養雲國去裨離國五十日裨離國在肅慎西北可二百日莫與漫音實相同汗當爲王稱計去肅慎二百五十程矣又考遼史集州古裨離郡地金屬貴德州今爲撫順和屯裨與裨音亦相同撫順正在長白山西北然則後漢書言肅慎在夫餘東北者指甯古塔黑龍江諸境而言晉書謂裨離國在肅慎西北者指不咸山而言其程郵第約略計之未爲確據耳松漠紀聞稱古肅慎城在渤海國都三十里考唐書渤海始都忽汗州以忽汗河得名今呼爾哈河是也唐天寶末徙上京直舊國三百里忽汗河之東考呼爾哈河源出吉林界色齊窩集中諸源匯爲一大河東注鏡泊又從鏡泊之發庫東注繞甯古塔城南復東北與混同江合是渤海王都皆臨忽汗而上京爲肅慎故地則肅慎古

城實在上京爲今甯古塔地也至遼時黃龍府肅慎舊縣并入黃龍縣者當爲渤海縣各遼陽府之肅慎縣則遼所自置雖各止一隅要皆肅慎之故地也

夫餘國都

〔後漢書〕夫餘國在元菟北千里南與高句驪東與挹婁西與鮮卑接北有弱水地方二千里

〔三國魏志〕夫餘本屬元菟漢末更屬遼東時句驪鮮卑強夫餘在一國間其印文言滅王之印國有故城名滅城蓋本滅地而夫餘王其中

〔晉書〕夫餘在元菟北千餘里南接鮮卑按後漢書作西接鮮卑當係此誤國中有古滅城

〔晉書〕永和二年夫餘爲百濟所侵西徙近燕

夫餘城 夫餘府

〔通典〕夫餘南接高麗東接挹婁西接鮮卑後高麗得其地置夫餘城唐乾封二年薛仁貴破高麗于金山進拔夫餘城後屬于渤海

〔新唐書〕李勣伐高麗拔夫餘城

〔通考〕夫餘故地渤海爲夫餘府常屯勁兵并契丹領扶仙二州

〔冊府元龜〕後唐天成元年陳繼威使契丹至渤海界夫餘府契丹族帳在府城東南隅

〔通考〕遼太祖攻渤海扶餘城下之改夫餘城爲東丹府按遼史作拔忽汗城以爲東丹王國誤

遼史地理志通州安遠軍本夫餘國王城渤海號夫餘城通遼縣本渤海夫餘縣又有夫餘縣乃太祖遷渤海夫餘縣降戶所置非故地也

遼史地理志龍州黃龍府本渤海夫餘府

金史地理志隆州古夫餘之地有混同江拉林河

謹按夫餘在漢元菟郡北元菟爲今海城蓋平復州自開元以北千餘里皆夫餘之境南北朝爲慕容氏所侵走保沃沮又因百濟侵畧西徙近燕尋爲高句麗分據唐滅高麗入于渤海遼併渤海以爲東京若龍州同州祺州肅州皆其故地其國王城則爲通州領通遼安遠歸仁漁谷四縣金爲隆州屬上京路尋廢州以三縣併入歸仁屬咸平府元初又廢歸仁故城在今鐵嶺東北金山據明統志在開元西北三百五十里遼河北岸又西北三十里曰東金山又二十里曰西金山二山綿亘三百餘里與烏梁海接壤則隋唐伐高麗所謂出夫餘道者蓋嘗由此而渤海傳所云夫餘爲契丹道及後漢書所言西接鮮卑者皆相符合至朝鮮亦有夫餘縣則徒襲其名不足憑也

挹婁國界

後漢書挹婁古肅慎之國在夫餘東北千餘里東濱大海南與北沃沮接不知其北所極土地多山險

三國魏志挹婁在夫餘東北千餘里濱大海南與北沃沮接未知其北所極邑落各有大

人處山林之間古肅慎氏之國也

晉書肅慎氏一名挹婁在不咸山北去夫餘可六十日行東濱大海西接寇漫汗國北極弱水其土界廣袤數千里居深山窮谷其路險阻車馬不通

挹婁故地 挹婁縣

通考挹婁故地渤海爲定理府領定藩二州

遼史地理志瀋州昭德軍本挹婁故地渤海建瀋州雙州保安軍本挹婁故地渤海置安定郡定理府刺史故挹婁國地

遼史地理志東京城北至挹婁縣范河二百七十里

按遼南京後改東京

金史地理志瀋州挹婁縣遼嘗置定理府刺史于此本挹婁故地

元史地理志遼陽路本挹婁故地

謹按挹婁疆域與肅慎正同史皆云處長白山北東濱大海不知其北所極則自今

興京吉林甯古塔黑龍江諸境皆挹婁地奉天之承德鐵嶺亦挹婁之界其與肅慎稍異者

惟今開原縣周秦以前屬肅慎漢屬夫餘國界考元史言開元路古肅慎之地太祖立開元南京二萬戶府治黃龍府遼史言黃龍府本渤海夫餘府夫餘府所屬有肅慎縣是始屬肅慎繼屬夫餘之明證也第元之開元路兼統東北諸境直抵海濱所轄甚廣不止一邑之地又始則寄治黃龍府迨至元以後方徙治今城則不屬挹婁者僅今一邑若一邑

以外屬肅慎即屬挹婁也其故地之見于史傳者若渤海之定理府安定郡遼金之瀋州雙州興州皆其一隅而瀋州挹婁縣之遺今猶有挹婁城在鐵嶺縣南六十里明爲懿路所置中左右等十戶懿路河在焉

太祖高皇帝辛酉年征明降懿路城即此蓋字音之轉也新唐書及遼史言渤海大氏始保挹婁之東牟山明統志云山在瀋陽衛城東二十里蔡考今承德縣城東二十里爲

天柱山即東牟山也舊唐書作桂婁之東牟山桂婁爲高麗部名高麗五部西漢以還桂婁部爲王已久前史並未言其分地亦未有止稱桂婁者當以新唐書爲正爾

三韓分地

後漢書韓有二種馬韓在西有五十四國其北與樂浪南與倭接辰韓在東十有二國其北與濊接弁辰韓弁在辰韓之南亦十有二國其南亦與倭接凡七十八國各在山海間地合方四千餘里東西以海爲限

三國魏志韓在帶方之南東西以海爲限南與倭接方可四千里有三種馬韓在西辰韓在馬韓之東弁辰與辰韓雜處其瀆盧國與倭接界

晉書辰韓在帶方南東西以海爲限馬韓居山海之間無城郭有小國五十六所辰韓在東分十二國又有弁辰亦十二國屬于辰韓

三韓屬國

通考馬韓有愛襄國牟水國桑外國小石索國大石索國優休牟涿國臣潢活國伯濟
後國速盧不斯國日華國古誕者國古離國怒藍國月支亦作目支魏志離牟盧國素謂

乾國古爰國莫盧國卑離國占卑離國臣覺國支侵國勾盧國卑彌國監奚卑離國古蒲

國致利鞠國冉路國兒林國駟盧國內卑離國感奚國萬盧國辟卑離國舊魏志斯烏旦

國一離國不彌國支半國勾素國提盧國牟盧卑離國臣蘇途國莫盧國古臘國臨素半

國臣雲新國如來卑離國楚山塗卑離國一難國勾奚國不雲國不斯漬邪國爰池國乾

馬國楚離國凡五十餘國大國萬餘家小國數千家總十餘萬戶辰王治月支國按第一

襄震與新音相近滿洲語謂金曰愛新魏志作爰震則傳寫之異也及國各多繫以卑離
二字以滿洲語考之當為貝勒之轉音其後百濟盛強分建侯王有面中弗斯邁盧等當
即彌東不斯
莫盧諸國也

三國志辰韓始有六國稍分為十二國并辰亦十二國又有諸小別邑有已抵國不斯國

弁辰彌離彌凍國弁辰接塗國勤耆國難彌離彌凍國弁辰古資彌凍國弁辰古瀉是國

冉奚國弁辰半路國弁樂努國軍彌國弁軍彌國弁辰彌烏邪馬國如湛國弁辰甘路國

戶路國州鮮國馬延國弁辰勾邪國弁辰走漕瑪國弁辰安邪國馬延國弁辰瀆盧國斯

盧國按此即新羅國之本名優中國合二十四國大國四五千家小國六七百家總四五萬戶辰按

辰韓雜居故魏志于兩國所屬不為分
識其冠以弁辰者當為弁辰所屬也

三韓故地 馬韓都督府 辰州 三韓縣

舊唐書百濟國爲馬韓故地顯慶五年以其地置熊津馬韓等五都督府

遼史地理志辰州本高麗蓋牟城渤海益州又改辰州以辰韓得名并邑駢列最爲衝會

遼史地理志高州三韓縣辰韓爲夫餘弁韓爲新羅馬韓爲高麗開泰中聖宗以三國之

遺人置縣戶五千

按此以三國分屬三韓殊爲謬誤

金史地理志三韓縣屬大定府

謹按二韓在天餘挹婁二國之南所統凡七十八國合方四千里馬韓在西辰韓在東弁韓在辰韓之南馬韓北與樂浪接則所轄在今益平復州甯海辰韓北與濊接濊地卽夫餘境也馬韓弁韓之南皆與倭接東西以海爲限則并今高麗全境亦隸封域至所屬諸國多繫以卑離二字當爲貝勒之轉音而以三汗統諸貝勒于體制亦適相符合晉書又載有裨離國在肅慎西北裨與卑音亦相近遼史有裨離郡今爲撫順城是不獨東南廣而西北亦極袤巨矣唐馬韓都督之設未久輒廢其址無存辰州卽金之益州今爲益平縣至三韓縣遼時以遷戶置但取其名非故地也

欽定滿洲源流考卷九

疆域二

沃沮 濊

後漢書東沃沮在高句驪蓋馬大山之東案原注蓋馬縣名屬元菟郡其山在今平壤城西平壤即王險城也東濱大海北

與挹婁夫餘南與濊接其地東西狹南北長可折方千里武帝滅朝鮮以沃沮地為元菟

郡後徙於高句驪西北更以沃沮為縣屬樂浪東部都尉至光武罷都尉官封其帥為沃

沮侯又有北沃沮去南沃沮八百餘里南接挹婁

三國魏志東沃沮在蓋馬大山之東其地形東北狹西南長可千里案此與後漢書稍異漢武元封

中以其地為元菟郡後徙郡句驪西北今所謂元菟故府是也沃沮還屬樂浪漢以土地

廣遠在單單大嶺之東分治東部都尉治不耐城別王嶺東七縣時沃沮亦皆為縣光武

六年省都尉以縣中渠帥為縣侯

遼東海州南海軍本沃沮國地有沃沮縣

後漢書濊北與高句驪沃沮南與辰韓接東窮大海西至樂浪濊及沃沮句驪本皆朝鮮

之地元朔元年濊君南閭等率二十八萬口詣遼東內屬武帝以其地為滄海郡數年乃

罷至元封二年滅朝鮮分置樂浪臨屯元菟真番原注音番四郡至昭帝始元五年罷臨屯

真番以并樂浪元菟元菟復徙居句驪自單單大嶺已東沃沮濊悉屬樂浪後以境土廣

遠復分嶺東七縣置樂浪東部都尉建武六年省都尉官遂棄嶺東地悉封其帥為侯
三國魏志滅南與辰韓北與高句驪沃沮接東窮大海今朝鮮之東皆其地也漢武帝分
朝鮮為四郡自單單大嶺以西屬樂浪自嶺以東七縣都尉主之皆以滅為民後省都尉
封其渠帥為侯今不耐滅皆其後也

謹案兩漢魏晉時國於東方者為夫餘挹婁三韓其邑落散處山海間者又有沃沮濊等
各以史傳核之沃沮之在東者東濱大海北接挹婁夫餘又有北沃沮南沃沮並皆散處
山林無大君長所云單單大嶺即長白山單單與滿洲語珊延音固相近也今自長白附
近東至海邊北接烏拉黑龍江西至俄羅斯叢林密樹綿亘其間魏毋丘儉討高麗絕沃
沮千餘里到肅慎南界則沃沮者實即今之窩集也濊地君長亦皆分統邑落無所專屬
夫餘挹婁皆有其地考其故壤自鳳凰城並海至朝鮮三國以後隋屬高麗唐屬渤海矣
勿吉行程

魏書勿吉國在高句麗北去洛五千里自和龍北二百餘里有善玉山山北行十三日至

祁黎山又北行七日至如洛瓌水北史作洛瓌水水廣里餘又北行十五日至太魯水北史作太岳魯水

又東北行十八日到其國國有粟末水徒太山案和龍為今土默特右翼地太魯水當為今滔爾河亦作海爾洮兒又作拖羅皆音

之轉新唐書之它渴遼金之地魯達魯河并聖宗所改徒魯河為長春河者皆是水也
出科爾沁西北興安山東南流合貴勒爾河又東北折經科爾沁右翼後旗南界又東經
扎頓特爾蘇旗為額爾齊斯池亦名日月池會嫩江以入於松花江松花江即粟末水新
唐書言粟末西北注它渴河者蓋不知它渴河東南入嫩江以達松花而反謂松花由嫩

江以注它漏是據圖臆揣之誤也洛環當即老哈之轉音蒙古稱老河為老哈源出喀喇沁右翼東北流經故大甯城東又北經敖漢翁牛特左翼南又東北經奈曼及喀爾喀左翼北流五百里許與黃河合證之下文使臣所行地里音譯更相符合其不能經由東北行者蓋中間為契丹所隔故耳又扎魯特右翼西北一百九十里亦有他魯河源出大青羊山南流數十里入阿里雅河史載自和龍至勿吉由北而東不應反歧至西北則太魯非此河也又有以如洛環為饒樂之訛者考唐貞觀中置饒樂都督府領弱水祁黎洛環太魯湯野六州洛環太魯皆以水名州與饒樂並置且魏時亦未置州其非饒樂之訛明矣

太和初使臣乙力支稱初發其國乘船溯

難河西上至太瀾河南出陸行渡洛孤水從契丹西界達和龍朱難河亦曰那河即嫩江也太瀾即上文太魯洛孤

即上文洛環皆音轉而訛實即滔爾及老哈二河也滔爾河入嫩江故自難河乘船可溯滔爾與老河相隔故南出陸行渡老河以至和龍是時土默特地屬元魏之營州而老河旁若喀喇沁款漢奈曼翁牛特等境皆屬契丹故云自契丹西界達和龍使臣所歷之途與魏使正同也時代雖遙其跡尚有可尋耳

勿吉七部故地

北史粟末部與高麗接

新唐書粟末部居最南抵太白山與高麗接依粟末水以居水源於山西北注它漏河案

漏即滔爾河入嫩江嫩江入松花江此云粟末西北注它漏河殊誤

新唐書渤海本粟末部附高麗者詳見後

北史伯咄部在粟末北

新唐書粟末稍東北曰汨咄部案此作汨與北史異

北史安車骨部在伯咄東北

新唐書汨咄又東北曰安居骨部案居與車音同字異

唐會要汨咄安居骨因高麗破後奔散微弱後無聞焉

北史拂涅部在伯咄東

新唐書安居骨東曰拂涅部

通考拂涅故地渤海為東平府領伊蒙陀黑比五州

遼史地理志東京紫蒙縣本漢鏤芳案兩漢志並作鏤方縣地後拂涅國置東平府領紫蒙縣

遼史地理志東京遼州始平軍本拂涅國城渤海為東平府唐太宗征高麗李世勣拔遼

城高宗詔程名振蘇定方討高麗至新城大破之皆此地也有遼河羊腸河錐子河蛇山

狼山黑山中子山案羊腸錐子河及蛇山等俱在今廣甯境遼河亦經廣甯境內則拂涅故地實在今廣甯

北史號室部在拂涅東

北史黑水部在安居骨西北詳見下鞞鞞條

新唐書安居骨之西北曰黑水部

北史白山部在粟末東南

新唐書粟末之東曰白山部

舊唐書白山部近高麗因收平壤之後部衆多入中國

遼史百官志長白山三十部大王府

勿吉傍國

北史勿吉傍有大莫盧國覆鐘國莫多回國庫婁國素和國具弗伏國匹黎亦國拔大何國郁羽陵國庫伏真國魯婁國羽真侯國

魏書北史豆莫婁在勿吉北千里舊北夫餘也室韋之東東至於海方二千餘里當即大莫盧

之轉音或言瀛地也

謹案勿吉即挹婁為肅慎故地分七部粟末部近長白山以粟末水得名則在今松花江左右伯咄在松花江北拂涅在伯咄東史稱拂涅故地渤海為東平府領伊蒙陀黑比五州又遼史稱紫蒙縣拂涅國置東平府是其分州立邑又在渤海之前矣紫蒙故城在今遼陽東境東平府契丹為遼州金為遼瀋縣屬瀋州故城在明瀋陽衛城西北百八十里唐以前為高麗所據謂之遼東城唐太宗克之改曰遼州時亦謂之新城以別於遼東故城也考唐書貞觀十九年伐高麗江夏王道宗將兵數千至新城二十一年復伐高麗命李世勣將青州兵自新城道入牙嶽三年高麗侵契丹契丹大敗高麗於新城儀鳳三年徙安東都護於新城皆此地也黑水以黑龍江名唐時最盛今詳載於鞞鞞條白山部以長白山名舊唐書言因平壤之役多散入中國而白山部太師暨長白山三十部大王之稱見於遼志則其部族仍以繫號可知蓋自粟末部強諸部皆為服屬於是中土但知有渤海其他部不可考矣東平府及遼州並詳後渤海契丹疆域條至勿吉附近之大莫盧當即魏書之豆莫婁亦稱達末婁覆鐘當即百濟之弗中郁羽陵當即尉厥里皆與契丹相接也

百濟里至

魏書百濟國北去高句麗千餘里處小海之南按史是時高麗國東至新羅西渡遼二千里南接百濟國北隣靺鞨一千餘里

北史百濟始立國於帶方故地其國東極新羅句麗西南俱限大海處小海南東西四百

五十里南北九百餘里

後周書百濟始立國於帶方其地界東極新羅北接高句麗西南俱限大海東西四百五

十里南北九百餘里治固麻城

宋書百濟本與高驪俱在遼東之東千餘里其後高驪畧有遼東百濟畧有遼西

隋書百濟國東西四百五十里南北九百餘里南接新羅北距高麗

舊唐書百濟處大海之北小海之南東北至新羅案隋唐時通百濟皆自登萊泛海而往蓋為契丹所隔新唐書所載亦同

新唐書百濟直京師東六千里而贏濱海之陽其東新羅也

唐會要百濟當馬韓故地處大海之北小海之南東北至新羅

通考百濟晉時畧有遼西晉平唐柳城北平之間自晉以後吞併諸國據有馬韓故地其國東西

四百里南北九百里

百濟都城 百濟郡邑

北史百濟所都曰居拔城亦曰固麻城其外更有五方中方曰古沙城東方曰得安城南
方曰久知下城西方曰刀先城北方曰熊津城都下有方方分五部曰上部前部中部下

部後部五方各有方領一人方有十郡城之內外民庶及餘小城咸分隸焉

宋書百濟所治謂之晉平郡晉平縣

梁書晉世百濟有遼西晉平二郡地自置百濟郡梁天監中為高句驪所破遷居南韓地

後更為強國號所治城曰固麻謂邑曰檐魯其國有二十二檐魯皆以子弟宗族分領之

案宋書云百濟所治謂之晉平郡晉平縣是以郡統縣矣北史云國有五方方管十郡則當為五十郡今梁書云二十二檐魯是縣反少於郡恐無是理

隋書百濟國都曰居拔城畿內為五部五方各有方領一人方有十郡國西南人島居者

十五所皆有城邑自百濟西行三日至貊國云

舊唐書百濟王所居有東西兩城貞觀十六年伐取新羅四十餘城又襲破新羅十城二

十二年又破其十餘城永徽中又與高麗靺鞨侵其北界三十餘城其國舊分五部統郡

三十七城二百至顯慶五年以其地分置熊津馬韓東明等五都督府各統州縣立其帥

為都督刺史縣令命王文度為熊津都督以鎮之

新唐書百濟王居東西二城有六萬方統十郡案六萬方與他書異當為六千方統十郡萬字亦作方與方相近而誤耳顯慶

五年平其國五部三十七郡二百城戶七十六萬析置熊津馬韓東明金湊得安五都督

府後其地為新羅渤海靺鞨所分案五代史後唐清泰間及元史世祖本紀至元四年百濟皆遣使入貢是百濟至元代猶存但故地已失僅守

偏隅非復隋唐之舊耳

唐會要百濟王所居有東西兩城又外置六方方管十郡唐顯慶五年分其國為五部統

郡三十七城二百置熊津馬韓東明金漣德安等五都督各統州縣立其長爲都督刺史縣令麟德以後其地爲新羅靺鞨所分

百濟諸城

舊唐書龍朔元年百濟僧道琛舊將福信據周留城其西部北部並應之帶方州刺史劉仁軌便道發兵轉鬪而前所向皆下道琛於熊津江口立兩柵以拒復退保任存城新書作任

舊唐書龍朔二年劉仁軌大破福信餘衆於熊津東拔其支羅城及尹城大山沙井等柵福信等以真峴城臨江高險又當衝要加兵守之仁軌夜拔之遂通新羅運糧之路仁願請益兵詔發淄青萊海兵七千人浮海赴熊津於是水軍自熊津江往白江以會陸軍同趨周留城

通考高麗以百濟爲金州金馬郡

謹案百濟與新羅壤地相錯隋書云南接新羅唐會要言東北至新羅考百濟之境西北自今廣甯錦義南踰海蓋東極朝鮮之黃海忠清全羅等道東西狹而南北長自柳城北平計之則新羅在其東南自慶尚熊津計之則新羅在其東北其北亦與勿吉爲隣也王都有東西兩城號固麻城亦曰居拔城以滿洲語考之固麻爲格們之轉音居拔蓋滿洲語之卓巴言一處也二城皆王都故皆以固麻名之宋書言百濟所治謂之晉平郡章

縣通考云在唐柳城北平之間則國都在遼西而朝鮮全州境內又有俱拔故城殆梁天監時遷居南韓之城歟唐顯慶中分爲五都督府曰德安卽百濟東方之得安城曰熊津卽北方之熊津城熊津今朝鮮漢江城在全州西北百濟與高麗分界處也曰東明者東明爲百濟之祖自橐離渡河以之各地當與橐離國相近考遼志橐離爲鳳州韓州皆在今開原境則東明都督府之設亦應與開原相邇矣任存城在熊津江口朝鮮全州西百濟之西部支羅真峴在熊津東全州之北自熊津溯白江爲周留城在全州西加林城亦在焉沙井柵在其東北唐蘇定方劉仁軌等由登萊海道濟師故戰守之地皆在今朝鮮境耳唐書又言後爲新羅渤海靺鞨所分百濟遂絕而自五代迄元尚有百濟朝貢之文考百濟舊設五方方管十郡則列郡五十唐初又攻取新羅六七十城其幅員益廣蘇定方所得止三十七郡王子夫餘豐脫身而走是其支庶保守偏隅仍循位號僅有黃海忠清等地而海蓋以北盡歸新羅渤海矣

新羅

北史新羅在高麗東南居漢時樂浪地多山險兼有沃沮不耐韓濊之地附庸于百濟

梁書新羅本辰韓也其國在百濟東南五千餘里案通志通考俱作五百餘里考二國壤地毗連無相去五千里之理疑梁書之誤

東濱大海南北與句驪百濟接其邑在內曰啄評案唐書通考俱作啄評考通典注云呼濊反則啄字當因字形相近而訛

在外曰邑勒國有六啄評五十二邑勒今有邑勒必喇入松阿哩江與薩木什必喇相近

通志新羅國在百濟東南五百餘里東濱大海其西北界出高麗之間

隋書新羅在高麗東南居漢時樂浪之地魏將毋丘儉討高麗破之奔沃沮其後復歸故

國留者遂為新羅焉兼有沃沮不耐韓濊之地

冊府元龜隋伐高麗新羅亦攻取高麗五百里

舊唐書新羅在漢時樂浪之地東及南方俱限大海西接百濟北隣高麗東西千里南北

二千里王所居曰金城周七八里顯慶以後漸有高麗百濟之地其界益大西至於海

新唐書新羅居漢樂浪地橫千里縱三千里咸亨五年王金法敏畧百濟地守之上元二

年劉仁軌破其眾於七重城以靺鞨兵浮海畧南境又詔李謹行屯買肖城

冊府元龜開元二十四年勅浪江以南令新羅安置

太平寰宇記新羅在百濟東南五百餘里兼有漢樂浪地東濱大海

通考新羅在百濟東南五百餘里亦在高麗東南隋時襲加羅任那諸國滅之其西北界

犬牙出高麗百濟之間地多山險

奉使行程錄自咸州北行至同州東望大山即新羅山深處與高麗接界案遠咸州即金

金銅山縣俱在今鐵嶺開原之間東至咸遠堡即吉林界南至奉天即唐時高麗界開

雞林州

舊唐書龍朔二年詔以新羅為雞林州都督府授其王金法敏為都督案自此以後凡新羅嗣王俱加雞林

州大都督之號

新唐書王居金城環八里龍朔元年案舊唐書作三年與此異以其國為雞林州大都督府

新羅九州

新唐書新羅多取百濟地抵高麗南境置尙良康熊全武漢朔漠九州州有都督統郡十

或二十案是時高麗北境已屬渤海新羅既有百濟之地又兼有高麗南境非得百濟而始抵高麗之南也尙州全州遼金皆有之朝鮮亦有之遼地志云尙州屬東京路

本漢襄平縣地渤海為東平寨金地志云全州屬北京路治安豐縣二史並未詳沿革之由或遼金所置徒襲其名未必即其舊地也朝鮮慶尙道之尙州本辰韓南境為新羅故

地全羅道之全州本并韓邊境為百濟要隘以為相近然考唐會要五代會要太平寰宇記皆作全州與唐書通考作全者異唐平高麗嘗置全州明為全州衛即今甯海縣新羅

既得高麗之地其州名即沿唐舊亦未可知第國初烏拉國有金州城為武勳王揚古利政克今吉林城北猶有金州山金州站實與新羅之雞林州相近非唐以後所置其稱

名當有所自也康州遼屬顯州去醫巫閭山不遠熊州當以熊岳為名唐儀鳳初徙熊津都督于建安城與此相近在蓋州南六十里渤海之杉盧郡也漢州以漢江為各本百濟

地後為朝鮮王都朔州在鳳凰城東南溟州本濊地

唐會要新羅封百濟故地及高麗南境東西約九百餘里南北約一千八百里于界內置

尙良康熊金武漢朔漠九州

唐會要武州物產為新羅之最

謹案新羅始附庸於百濟後兼加羅任那諸國與百濟為隣考其疆土東南並有今朝鮮

之慶尙江原二道西北直至今吉林烏拉又西近開原鐵嶺唐顯慶以後又得百濟故地

及高麗南境於是東西增九百里南北增千餘里開元以後渤海盛強其西北諸境盡為

所併新羅所有僅鴨綠江以南唐末高麗復起割其南境暨渤海爲契丹所侵於是新羅西與契丹以海州巖淵縣爲界西北與契丹以鴨綠江東八里黃土嶺爲界矣雞林州之名始於唐龍朔三年以其國爲雞林州大都督府國王世襲都督之號以音譯及地理考之卽今吉林許亢宗行程錄云自咸州至同州東望大山卽新羅山遼之咸州今爲咸平府同州今爲銅山縣俱在今鐵嶺開原之間東至威遠堡門卽吉林界則州名取此無疑第其後地爲渤海所得而都督之號則仍係新羅於是并朝鮮之地亦沿雞林之稱耳七重城在朝鮮慶州北南臨發盧河舊唐書言劉仁軌率兵絕匏盧河攻七重城卽此水也買肖城亦在其地當時用兵皆自登萊浮海往來故多在朝鮮界也至九州之設東至吉林西至廣甯跨海蓋而包朝鮮幅員式擴矣

靺鞨

隋書靺鞨在高麗之北凡有七部見前勿吉條卽古之肅慎也其國西北與契丹接

舊唐書靺鞨後魏謂之勿吉在京師東北六千餘里東至於海西接突厥南界高麗北隣室韋其國凡爲數十部黑水最處北方分爲十六部部又以南北爲柵

新唐書黑水靺鞨居肅慎地亦曰挹婁元魏時曰勿吉東瀕海西屬突厥南高麗北室韋離爲數十部部間遠者三四百里近者二百里黑水分十六落以南北稱黑水西北又有思慕部益北行十日得郡利部東北行十日得窟說部亦號稍東南行十日得莫曳皆部

又有拂涅見前勿條虞婁越喜鐵利等部其地南距渤海北東際於海西抵室韋南北表二

千里東西千里案上文云西屬突厥北室韋而後又云西抵室韋考新唐書室韋傳室韋地據黃龍北東黑水靺鞨西突厥南契丹北瀕海附於突厥則黑水部實

西北皆隋室韋也因室韋嘗附突厥故有西屬突厥之文耳

新唐書室建河東合那河忽汗河又東貫黑水靺鞨故靺鞨跨水有南北部按室建河即

即嫩河忽汗河即呼爾哈河嫩河呼爾哈皆會混同以合黑龍江而唐宋諸史多以混同為黑龍江者蓋傳聞之誤

唐會要靺鞨有數十部黑水靺鞨最處北方分為十六部落又以南北為柵舊說黑水西

北有思慕靺鞨正北微東十日程有郡利靺鞨東北十日程有窟說靺鞨東南十日程有

莫曳皆靺鞨今黑水界南與渤海國德里府接按渤海十五府具載唐書及通考無德里

之今甯古塔城西九十里自鄂摩和湖東繞沙蘭站之南至呼爾哈河有大石廣二十餘里表百餘里石平如鏡孔洞大小不可數計或圓或方或六隅八隅如井如盆如池或口

如孟而中如洞深或丈許或數尺中有泉澄然疑碧名德林沃赫俗呼黑石甸子石綫中魚或躍出甸上草木皆異車馬行其上如聞空洞之聲石或少損即有水從罅出探之深

不可測迤西十餘里有海眼季春水半水流石下聲如雷吼里與林音實相近呼爾哈河即渤海舊都所在鎮名當取諸此北至小海按今黑龍江極

謂于巴尼大水即東至大海西至室韋南北約二千里東西約一千里渤海寢強黑水亦

為所屬

冊府元龜靺鞨在高麗北營州東二千里越喜靺鞨東北至黑水靺鞨地方二千里

通考拂涅鐵利虞婁越喜時時通中國而郡利屈設案二字與唐書異莫曳皆不能自通

元史地理志開元路隋唐曰黑水靺鞨其後渤海盛靺鞨皆役屬之又其後渤海寢弱黑

水復擅其地東瀕海南界高麗西北與契丹接壤卽金鼻祖之部落也案元時開元路所統至廣今黑龍江

甯古塔及開原縣地皆為所轄

黑水州 黑水府

唐會要武德三年部長突地稽遣使朝貢以其部置燕州並以其長帥為都督總管貞觀

十四年以黑水地為黑水州

冊府元龜黑水帥突地稽隋末率部落千餘家內屬處之營州唐武德初以其部落置燕

州以突地稽為總管按此為營州地屬靺鞨之始燕州之置實在營州也通考云武德三年黑水長阿固郎始來貞觀二年以其地為燕州

通考開元十年拜黑水部長帥為勃利州刺史於是安東都護請置黑水府以部長為都

督刺史領黑水經畧使

舊唐書開元十年置黑水經畧使其地南距渤海北東際海西抵室韋南北二千里東西

千里其後渤海盛府遂廢

唐會要開元十三年於黑水部落內置黑水軍續又以最大部落為黑水府仍以其首領

都督諸部刺史隸屬焉

元史開元路唐黑水靺鞨以其地為燕州置黑水府

鐵利越喜故地

通考渤海以鐵利故地為鐵利府領廣汾蒲海義歸六州越喜故地為懷遠府領達越懷

紀富美福邪芝九州詳後勃海條

遼史地理志東京廣州渤海為鐵利郡太祖建鐵利州按鐵利郡即渤海鐵利府所屬之廣州也渤海屬州往往以郡稱今

詳後勃海條

遼史地理志東京鐵驪府故鐵驪國地按鐵驪即鐵利音同字異又按元一統志云蒲河在瀋陽路源出鐵利國蒲谷流經蒲水田故名松

漢紀聞云蒲河距瀋州四十里今考蒲河在承德縣城西北四十里源出香爐山經永安橋入蓮花泊則鐵利故國實在於此

遼史地理志東京韓州本渤海粵喜縣地按粵喜縣亦以越喜國得名音同字異韓州故棗離國地在開原東北

遼史地理志銀州新興縣本故越喜國城按遼銀州本渤海懷遠府所屬之富州也新興縣之地渤海亦嘗置銀州遼移其各新興縣金

隸咸平府志云南有范河北有柴河西有遼河以今水道考之外遼河在鐵嶺城西十里柴河源出城東南百八十里繞至城北西入於遼范河出城東南二十里西流過城南西入遼河則越喜國城正在今鐵嶺縣也

遼史地理志東京信州本越喜故城地隣高麗按此即渤海懷遠府治所據元一統志在濱州之西今開原之東蓋遼時渤海衰而

高麗復興故與高麗相近也

金史地理志韓州柳河縣本粵喜縣地以河為名有柁河柳河

元一統志柳河縣故城本粵喜地後置縣以其地近柳河故名今城址猶存按元一統志第言地近柳

河金地理志云有柁河柳河考盛京通志有失河而無柁河第云遼河一名巨流河一名句驪河亦名柁柳河謂是柁河柳河合流之下柁考柳河源出遼陽州城東北八十里西

北流經承德縣城東南之礮子山紅寶石山陽入十里河又考十里河舊名柁柳河源出遼陽州城北六十里亦西北流至楊家灣合沙河入渾河渾河入遼河則柁河或即十里

河也第十里河與柳河合流之地去巨流河尚遠而遼河之大豈轉因二小水得名舊志止屬傳聞未有確據蓋因句驪巨流柁柳音頗相同是以傳疑有此說耳又按今土默特

次定滿州原流考

卷九 疆域

右翼西北亦有柳河東南流經喀喇城入大凌河又義州境內之柳河川亦發源於土默特右翼南亦東南流入大凌河土默特右翼爲古柳城地雖與鞞鞞轄界在遼與中府屬中京殊不相涉考遼金韓州信州故城皆在今科爾沁左翼東南科爾沁地在隋唐屬鞞鞞無柳河有遼河則所謂拘河柳河者當卽柯柳之誤分爲二河耳

謹案鞞鞞卽勿吉舊屬七部並同拂涅白山等部已載前勿吉條粟末後稱渤海另條詳後惟

黑水一部復分爲十六考之史傳思慕郡利窟說莫曳皆虞婁皆在黑水以北不與中土

相聞今黑龍江之外當卽其地可考者惟黑水之西北部及越喜鐵利二部新唐書言室

建河東合那河忽汗河又東貫黑水鞞鞞故跨江有南北之稱所言較諸史爲詳尙猶有

未盡者室建卽今黑龍江那河卽嫩河忽汗卽呼爾哈河二河並入混同江混同黑龍

江入海混同黑龍合流之處僅在鞞鞞東界新唐書兼那河忽汗河言之似誤以混同爲

黑龍江也其實一出長白一出肯特遠不相涉前史但知有黑水而未知黑水源委僅據

其入海之處與混同合流故誤以混同爲黑水金史亦言混同江一名黑龍江指下流交

會處而言猶之可也若新唐書言混同入嫩江北盟會編稱混同南流入鴨綠通鑑注又

以混同爲鴨綠尤舛謬之甚者矣嫩江之地亦屬鞞鞞魏書稱勿吉使臣自其國溯難河

至太彌河是也難河卽嫩河太彌卽洮爾詳見前勿吉條忽汗河上流屬渤海其入混同江處亦屬鞞鞞唐會

要所稱南與渤海德里府接界是也唐會要又云北至小海東濱大海渤海盛時黑水亦

爲所屬考渤海郡縣實未嘗過混同以北惟鐵利越喜兩部故地渤海嘗郡縣之而鐵利

仍自爲國朝貢往來見於遼史者不一暨金興始屬於金殆故地爲渤海所得而其部落

稍徙相遠歟鐵利故地有蒲河在今承德縣西北越喜故地有遼河范河柴河在今開原
鐵嶺東北唐時黑水府黑水州但卽其全部遙授都督之名初無專治燕州之設則在營
州僅爲別部長帥突地稽所居統計黑水全部北東際海南至甯古塔其西界嫩江科爾
沁西南至開原鐵嶺史言南北表二千里東西千里第約計之詞實不止是也

欽定滿洲源流考卷九

欽定滿洲源流考卷十

疆域

渤海國境

新唐書渤海本粟末靺鞨保挹婁之東牟山

按東牟山史志皆言在瀋陽城東二十里今天柱山也舊唐書作桂婁與此異

直營州東二千里以泥河為境

按元一統志引契丹地理志云泥水即古泥河也自東迤流數百里至遼陽瀦蓄不流有蘄芋草生於泊中故名蘄

芋泊明一統志從之又以朝鮮大通江為泥水考盛京通志泥河在海城縣西南六十五里蓋平縣北五十五里源出聖水山流至米真山西散漫為遼時之蘄芋泊與朝鮮界內

之俱江東窮海西契丹築城郭以居萬歲通天中度遼水保太白山之東北阻奧婁河樹

壁自固

按太白即長白奧婁河當為阿魯河源出吉林安班和托峯一西南流入哈達河一流至開原城東南入清河是時契丹李蓋忠殺營州都督趙文翽故渤海退保

此後乃建國地方五千里戶十餘萬盡得夫餘沃沮弁韓

俱另條見前

朝鮮海北諸國有五京

十五府六十二州

通考渤海國王天武藝斤大土宇東北諸國畏臣之

遼史渤海王大仁秀南定新羅

另條見前

北略諸部開置郡邑

遼史渤海大氏始保挹婁東牟山武后時為契丹盡忠所逼有乞乞仲象者度遼水自固

傳子祚榮建都邑併吞海北地方五千里中宗賜所都為忽汗州封渤海郡王十有二世

至彝震稱號改元建宮闕有五京十五府六十二州為遼東盛國

按遼史所稱凡渤海拓地改元及五京十五府

六十二州之建皆自國王天武藝始據唐書及通考國王大祚榮已謚高王祚榮子武藝已改元仁安武藝子欽茂已徙上京又徙東京自大祚榮以後無不稱號改元者遼史所

云未得其實

元史遼陽路唐以前為渤海所有

忽汗州 忽汗城

〔新唐書〕睿宗先天中拜大祚榮為渤海郡王以所統為忽汗州領忽汗州都督

〔唐賈耽道里紀〕渡遼水至安東都護府五百里府故漢襄平城也按安東都護府本在平壤儀鳳初移此東

南至平壤城八百里西南至都里海口六百里至建安城三百里故平郭縣也南至鴨綠

江北泊灼城七百里故安平縣也自都護府東北經渤海長嶺府後見千五百里至渤海王

城城臨忽汗海其西南三十里有古肅慎城其北經德理鎮按此即唐會要所云德理府也渤海無德理府之名此作

鎮為至南黑水靺鞨千里按此為營州陸行至渤海之路渤海大祚榮所都在長白山東北大欽茂又東徙三百里直忽汗河之東今寧古塔呼爾哈河

也呼爾哈河匯於寧古塔城西南一百里之畢爾騰湖湖廣五六里袤七十里許中有三山即所謂忽汗海也又自發庫東繞寧古塔城旁古大城之南東北流與混同江合明一

統志稱呼里改江出建州衛東南山下東北匯為鏡泊又北入混同江呼里改即呼爾哈鏡泊即畢爾騰湖之異名也德林石在其北即德理鎮所在也然則渤海上海及忽汗城

實在寧古塔城旁其後國王世襲忽汗城都督之號凡五京皆有忽汗州之稱矣

〔唐賈耽道里紀〕登州東北海行至鴨綠江口舟行百餘里又小舫泝流三十里至泊灼口

得渤海之境又自顯州後見正北如東六百里至渤海王城按此為登州海行至渤海王城之路

〔五代會要〕唐中宗命侍御史張行岌往渤海宣慰號其都為忽汗州

〔遼史〕忽汗州故平壤城也號中京顯德府太祖攻渤海拔忽汗城俘其王大諲譔以為東

丹王國按通考平壤城即漢樂浪郡王險城自慕容皝來伐後徙都此城亦曰長安城南

境內高麗圖經亦云平壤城在鴨綠水東南顯德府在今遼陽以北忽汗州非平壤城亦

非顯德府遼史俱誤渤海王于天寶末徙上京貞元時徙東京未幾仍還上京天寶中又

曾都顯州蓋既設五京則隨時移駐史固不能詳而當中京破時國王適在彼耳

遼史天顯元年正月丙寅夜圍忽汗城庚午駐軍於忽汗城二月丙午改渤海為東丹忽

汗城為天福冊皇太子貞為人皇王以主之按遼史所稱忽汗城皆渤海中京顯德府城為今遼陽非上京之忽汗城也

上京 龍泉府

新唐書以肅慎故地為上京曰龍泉府領龍湖渤三州

通考天寶末渤海王大欽茂徙上京直舊國三百里忽汗河之東按渤海舊國在長白山

在呼爾哈河之東實與今寧古塔城相近呼爾哈河源出吉林界色齊窩集中諸河匯為一大河東注鏡泊又東出繞寧古塔城旁古大城及覺羅城之南復東北折入混同江唐

賈耽所云渤海王城臨忽汗海者蓋即鏡泊

京通志寧古塔城旁古大城或即上京舊址歟

遼史王京懷州夫餘縣本龍泉府太祖遷夫餘降戶於此世宗置縣按遼史此條殊誤懷

州太宗行帳放牧於此天贊中從太祖破夫餘城下龍泉府俘其人築寨居之太宗懷陵

在焉故州軍以是為名歸誠州為唐契丹羈縻州本屬遼地為太宗放牧之所非渤海上

京明

龍州

遼史太祖破龍州盡徙富利縣人散居京南長霸縣本龍州長平縣民遷於此按龍州所

見富利長平二縣餘無可考又按契丹與渤海攻戰次第具載太祖本紀太祖天贊二年十二月出兵先破夫餘府次至中京顯德府是時渤海王適在中京故為所獲太祖入城

祭告天地復還軍中二月安邊鄭頡南海定理府降三月已巳安邊鄭頡定理府復叛丁丑三府平乙酉班師五月南海定理二府復叛七月顯德府之鐵州亦叛大元帥平之是月太祖還次夫餘府又自三月遣將攻長嶺府八月始下並未嘗遠及龍州而渤海仍自為國迄於遼末猶存龍州之破僅於此見之或率兵至此俘掠人口而還不能有其地也

高麗載紀初契丹以鴨綠江北地予高麗高麗築六城有龍州城按遼史外紀云契丹取

里賜高麗是鴨綠江東北地皆與高麗故得於龍州築城後復為女真所取今考自鏡泊至朝鮮界約五百里則與渤海之龍州當不甚遠蓋遼太祖破龍州遷其人而空其地以

麗也

湖州

遼史東京湖州興利軍渤海置

渤海

遼史渤海清化軍渤海置貢珍縣亦渤海置按遼地志云遼以征伐俘戶建州襟要之地多因舊居名之故渤海州縣遼移其名於他

所者十之五六如建州在長白山而遼移之廣寧西北其明證也遼志中稍為分別者如日某州本渤海某州民戶則為遼所移曰某州渤海置則似仍渤海之舊然如遼史稱集

州高麗為霜巖縣渤海置州今考霜巖縣屬廬州無集州之名則史文固有疎畧也

中京 顯德府

新唐書上京之南為中京曰顯德府領廬顯鐵湯榮興六州按顯德府所屬西至醫巫閭山當在上京之西南

遼史渤海中京顯德府天顯二年升為南京十三年改南京為東京府曰遼陽統縣九遼

陽縣本渤海金德縣地漢涇水縣高麗為句麗縣渤海為常樂縣按涇水縣漢屬東樂浪郡渤海鴨綠府所屬之

涇水縣是仙鄉縣本漢遼隊縣地渤海為永豐縣鶴野縣本漢居就縣地渤海為雞山縣也遼志誤

興遼縣本漢平郭縣地渤海為長寧縣按顯德府屬縣遼志沿革具存今附錄如上又有析木紫蒙二縣遼屬遼陽府而渤海分屬銅州蒙

州今各附本條又肅慎歸仁順化三縣則遼所自置非渤海之舊遼永州之長寧縣又遷長寧民所置亦非舊地也

鴨江行部誌廣寧本陽羅郡渤海為顯德府按廣寧東北界渤海屬東平府其西南之境為顯德府屬

明一統志遼隊廢縣在海州衛西六十里渤海曰永豐縣遼改仙鄉縣鶴野廢縣在遼東

都司城西八十里渤海為雞山縣元省入遼陽按明志顯德屬縣僅載此二邑今考常樂故縣在遼陽城內長寧縣在遼陽西南蓋

平之東永豐縣在海城縣西六十里遼水東岸明時有永豐堡亦在海城縣西南六十里也

盧州

遼史東京盧州本渤海杉盧郡按杉盧郡即渤海之盧州顯德府之支郡也故縣五山陽杉盧漢陽白巖霜巖

皆廢戶三百在京東一百二十里統縣一熊岳縣西至海十五里傍海有熊岳山按遼盧州所治

為熊岳縣今熊岳城也金廢州以熊岳屬蓋州渤海盧州所屬五縣至遼止三百戶故但治熊岳一縣已非渤海之舊矣

遼史東京巖州白巖軍本渤海白巖城太宗撥屬瀋州白巖縣渤海置按唐太宗貞觀十

遼州進軍白巖城克之置巖州後屬渤海白巖縣當即其地今考巖州古城在遼陽州城東北五十七里不城山上周圍四里一門又遼營衛志云敦睦宮以渤海巖州戶置是勃

海亦有巖州之稱蓋隨時移置而史不能詳也

顯州

唐賈耽道里紀自神州後見陸行四百里至顯州天寶中王所都按顯州為王都當為顯德府附郭之州今次於盧州

之後疑史有誤

遼史東京顯州本渤海顯德府地世宗置以奉顯陵州在醫巫閭山東南按渤海顯州實今遼陽州地遠之顯州不言渤海所置然亦係顯德府之地

松漠紀聞廣州見後百二十里至梁漁務又八十五里至沙河五十里至顯州

鐵州

五代史自錦州行五六日過海北州又行十餘日渡遼水至渤海鐵州又行七八日過南

海府按此為晉侯入契丹所行之途一南一北故迂其程未足為憑也

遼史鐵州本漢安市縣地高麗為安市城唐太宗攻之不下薛仁貴白衣登城即此渤海

置州故縣四位城河端蒼山龍珍皆廢戶一千在京西南六十里按明一統志安市城在貞觀十九年征高麗攻安市城不克引還咸亨三年高侃擊敗高麗餘眾於安市城渤海

置鐵州即此地志安市城外有駐蹕山考駐蹕山凡數處一為首山唐書稱馬首山遼史稱山在遼陽城西南十五里接海城縣界唐太宗初渡遼水攻遼州時駐營之山也一

在安市城外唐太宗既得遼州巖州進攻安市所駐之山唐書所載駐蹕山是也又蓋平東百十餘里分水嶺諸山亦傳唐太宗駐蹕處又有駐蹕山本名大山則醫巫閭也又海

城縣西南十里有平頂山一名車駕山又名唐望山亦相傳唐太宗駐蹕處而首山與安市城外之駐蹕山地志

領縣一湯池按今蓋平城東北六十里有多混為一山附考於此湯池堡當即湯池縣遺址也

遼史天顯元年七月鐵州刺史衛鈞反大元帥耀庫濟攻拔之

鴨江行部志湯池縣本遼時鐵州以其東有鐵嶺故名按明一統志載初置鐵嶺衛在今鐵嶺城東南五百餘里故鐵嶺城

與高麗接界洪武二十六年方移其名於今治所則鐵嶺之名實本於此金廢鐵州以湯池屬蓋州

湯州

遼史東京湯州本漢襄平縣地故縣五靈峯常豐白石均谷嘉利皆廢戶五百在京西北

一百里按遼史雖未言渤海所置然所屬故縣皆渤海縣名其為即渤海之湯州無疑明志湯州故城在遼東都司城北

遼史東京乾州靈山縣本渤海靈峯縣地按乾州為漢無慮縣地無慮本因醫巫閭山得名則靈峯當亦相近

金史北京懿州靈山縣本渤海靈峯縣地按遼亦有懿州而靈山則屬乾州考明一統志乾州在廣寧衛西南七里懿州在廣寧衛北二

百二十里蓋金時廢乾州而以靈山縣移隸懿州也

榮州

遼史東京所屬有榮州原文不載沿革蓋作史時已無可考然遼東京有崇州為渤海所置所統縣名亦係渤海之舊而新唐書不載史云在東京東北一

百五十里與鐵湯等州相近遼史本文亦與湯與二州相次疑即榮州以字形相近而誤又復出也今詳於後

興州

遼史興州本漢海宜縣地渤海置州故縣三盛吉蒜山鐵山皆廢戶二百在京西南三百

里按明人地志有以興州為鐵嶺縣之懿路城者考金志云瀋州挹婁縣遼舊興州常安縣懿路即挹婁之訛也則遼之興州始實移於挹婁後乃復渤海之舊又遼志云遼陽

府東西南三面皆地海南至海邊鐵山八百里今考鐵山在寧海西南百五十里為濱海要地興州所統縣名或取此歟

松漠紀聞銀州南舖五十里至興州四十里至蒲河按遼銀州即渤海富州今鐵嶺縣蒲河源出承德西北四十里

東京 龍原府

新唐書歲故地為東京曰龍原府亦曰柵城府領慶鹽穆賀四州

新唐書龍原東南瀕海日本道也

通考唐貞元時渤海王大欽茂東南徙東京

遼史東京開州本濊地渤海為東京龍原府有宮殿都督慶鹽穆質四州故縣六曰龍原

永安烏山壁谷熊山白楊疊石為城周二十里唐薛仁貴征高麗與其大將温沙門戰熊

山擒善射者於石城即此太祖平渤海徙其民城遂廢聖宗伐新羅按聖宗曾伐高麗此言新羅誤還周

覽城基復加完葺領縣一開遠縣本柵城地高麗為龍原縣渤海因之按一統志開州城

北熊山城在開州西蓋白鳳凰城邊外東南至朝鮮之江原道皆濊地又鳳凰城北六十九里有沃赫和屯周二里餘或即渤海石城遺址歟

慶州

遼史東京開州高麗置慶州渤海為龍原府上京永安縣本龍原府慶州縣名太祖平渤

海遷其人置寨於此按一統志開州遼末復入于高麗謂之蜀其郡開遠廢縣故開州治也渤海為龍原縣慶州治焉則慶州為龍原府附郭之州而龍原縣

為附郭之縣永安烏山壁谷熊山白楊五縣亦為慶州所屬明矣非朝鮮慶尚道之慶州也又金有慶州係遼懷州祖州之地亦與此異

鹽州

遼史東京鹽州本渤海龍河郡故縣四海陽接海格川舊訛格州今龍和皆廢隸開州相

去一百四十里按一統志鹽池城在朝鮮開州城西北本渤海置亦曰龍河郡

穆州

遼史東京穆州本渤海會農郡故縣四會農水岐順化美縣皆廢隸開州東北至開州一

百二十里統縣一曰會農按一統志穆州亦在朝鮮境開州西南

賀州

遼史東京賀州本渤海吉理郡故縣四洪賀送誠吉理石山皆廢戶三百隸開州按一統志賀州

城遼未入於朝鮮吉理與吉林音相近然吉林屬渤海東京此為渤海東京所屬地也

南京 南海府

新唐書沃沮故地為南京曰南海府領沃晴椒三州

新唐書南海新羅道也

遼史東京海州南海軍本沃沮國地渤海號南京南海府疊石為城幅員九里都督沃晴

椒三州故縣六沃沮鷲巖龍山濱海昇平靈泉皆廢按沃州為南海府附郭則沃沮亦附郭邑也鷲巖當即岫巖城在今蓋平

縣東二百五十里

遼史天顯元年三月渤海南海府節度來朝五月南海府復叛遣大元帥耀庫濟討之

舊五代史自鐵州行七八日至南海府

元一統志澄州本海州南海府沃沮地高麗時卑沙城唐李勣攻卑沙城即此渤海為南

海府遼仍之金改曰海州天德二年以山東有海州改為澄州治臨溟縣按金史不詳沿革今從元一統志

志

明一統志海州衛在遼東都司城南一百二十里本蓋卒地高麗為沙卑城渤海國為南

海府遼為海州治臨溟縣金為澄州按沙卑城亦曰卑沙或訛為卑奢城隋大業十年來護兒出海道至卑奢城敗高麗兵將趨平壤高麗降

唐貞觀十八年伐高麗張亮率舟師自東萊渡海觀卑沙城其城四面懸絕惟西門可上唐兵攻拔之總章初李勣復得其城後入渤海元時州縣俱廢明洪武九年改築衛城周六里有奇今為海城縣

沃州

新唐書契丹州十七沃州載初中析昌州置萬歲通天元年沒於契丹李盡忠縣一濱海

又昌州貞觀二年以松漠部落置僑治營之靜蕃戍縣一龍山按此為渤海沃州及濱海龍山二縣得名之自其質

唐沃州故地在今喀喇沁境內古大寧城北蓋渤海移其州縣名於沃沮故地也沃州為南海附郭之州則沃沮鶯岩龍山濱海昇平靈泉等六縣皆沃州所屬

晴州

遼史賓州本渤海晴州故縣五天晴神陽蓮池狼山仙巖皆廢戶五百隸海州東南至海

州一百二十里按海城西南有蓮花泊或即蓮池故縣所屬

椒州

遼史耀州本渤海椒州故縣五椒山貂嶺澌泉尖山巖淵皆廢戶七百隸海州東北至海

州二百里統縣一巖淵縣東界新羅故平壤城在縣西南東北至海州按遼

州即渤海椒州故縣五皆廢巖淵雖仍舊名似亦稍移其治矣據史所稱耀州在海州西南二百里巖淵在海州西南一百二十里海州為今海城地耀州今有耀州和屯按之與

圖皆合惟是遼史稱故平壤城又在巖淵西南實為舛誤據通考遼水東南四百八十里至鴨綠水平壤又在鴨綠水東南四百八十里安得反在巖淵西南也原其致誤亦自有

由蓋平壤南臨浪水而海城西南有淤泥河亦有浪水之稱此遼史之誤所由來然遼史既以顯德府為忽汗州又為即平壤城而此又謂平壤在巖淵西南亦自相矛盾之甚矣又今耀州城在海城縣西南僅六十里里數與遼史不符考明一統志臨溟廢

縣在海州衛東一百八十里為故海州所治元時州縣並廢則係明設衛時移近西南百

八十里耳今海城縣治實在明海州衛舊址
本朝天命八年復即舊城東南隅建新城

明一統志廢耀州在海州西南二百里渤海椒州地

西京 鴨綠府

新唐書高麗故地為西京曰鴨綠府領神桓豐正四州

新唐書鴨綠朝鮮道也朝瀋舊訛朝貢今據通考改

遼史涿州鴨綠軍本高麗故國渤海號西京鴨綠府城高三丈廣輪二十里都督神桓豐

正四州事故縣三神鹿神化劍門皆廢大延琳叛遷餘黨於上京置易俗縣居之在者戶

二千按涿州城在平壤西境因鴨綠江為名也鴨綠江之綠北史新唐書遼史俱作涿

遼史太祖破鴨綠府盡徙神化縣民居京之南

神州

唐賈耽道里紀自鴨綠江口舟行百餘里又小舫泝流東北三十里至泊沟口得渤海之

境又泝流五百里至九都縣後魏城故高麗王都又東北泝流二百里至神州按據此則神州在鴨綠江

口東北泝流八百里九都縣東北二百里與遼史所言桓州在涿州西南二百里者合則九都為桓州附郭之邑而神州即鴨綠府附郭之州也

桓州

遼史桓州高麗中都城故縣三桓都神鄉湏水原作淇水誤今據一統志改皆廢高麗王於此創立宮

闕國人謂之新國五世孫劍晉康帝建元初為慕容皝所敗宮室焚蕩戶七百隸涿州在

西南二百里 按通考漢末高麗王伊夷模作新國於九都山下即所謂九都城也魏正始五年母丘儉將萬人出元菟懸車東馬登九都山屠其所都六年儉復伐之

刻石紀功刊九都銘不耐而還東晉建元初復為慕容皝乘勝追至九都焚其宮室自後移都平壤城則桓都即九都也桓州之名亦取諸此今考九都故城在高麗王京東北賈耽紀言在神州西南一百里鴨綠江口東北六百餘里與此正合泃水今朝鮮大通江漢樂浪郡有泃水縣此蓋仍其舊名也

豐州

遼史豐州渤海置盤安郡故縣四安豐渤恪隔壤砮石皆廢戶二百隸涿州在東北二百

十里

正州

遼史正州本沸流王故地國為公孫康所併渤海置沸流郡有沸流水戶五百隸涿州在

西北三百八十里統縣一東那縣本漢東耐縣地在州西七十里 按通考魏正始五年幽州刺史母丘儉出元菟

討高麗戰於沸流高麗王位官敗走儉追至賴峴登九都山屠其所都則沸流固應與桓都相近亦今朝鮮境內地又按漢時無東耐縣名惟樂浪郡有東曠而不而兩縣不而城在

朝鮮咸興府而與耐古字相通魏志云漢武置樂浪郡自單大嶺以西屬樂浪自嶺以東都尉主之皆以歲為民所謂不耐歲也母丘儉銘不耐城即此今遼史作漢東耐似誤

謹按渤海為遼東盛國地方五千里有五京十五府六十二州契丹兵爭舊址漸毀其州

縣之名藉遼史地理志存其梗概而或地併於隣州或名移於他所遼以征伐所得人戶

建城置戍即因其人舊居州縣之名之遼志所載已十之五所未載者按其方位尚可

討尋五京之地遼並隸東京其他或予高麗或尚為渤海遺民所保而府州之名盡載遼

籍有經遼時更置者自應屬遼有僅列其名而史不能稽其沿革者當亦羈縻州之比未

詳

能實有其地也金興省併州邑因時制宜元亦多仍部族之舊州縣之設簡矣因流溯源參之他書亦可得其分合之故焉有因傳寫字訛者如九都桓都沮水淇水之類有與高麗同名者夫餘慶州之類至於元明沿革及我

朝所隸並附注於下約其大概上京在寧古塔中京在遼陽東京在朝鮮開州南京在海城縣西京濱鴨綠江五京五府而外長嶺夫餘等十府及鄧銅等州並詳列於後云

長嶺府

新唐書長嶺府領瑕河二州

按瑕州無考常為附郭之州遼廢

新唐書長嶺營州道也

遼史東京長嶺府

原文不詳沿革之由當即仍渤海之舊

遼史本紀太祖天顯元年遣康默訶韓延徽攻長嶺府八月下長嶺府

按長嶺亦作長嶺古字相通今吉林

西南五百里有長嶺子滿洲語稱果勒敏珠敦南接納嚕窩集北接庫呼訥窩集自長白山南一嶺環繞至此為眾水分流之地東北流為遼古善輝發等河入混同江西北流為英我占尼哈達葉赫赫爾蘇等河長嶺府之名當取諸此錦州復州雖亦有長嶺皆不如此之最著也

河州

遼史河州德化軍置軍器坊

按明人地志云廢河州在黃龍府北遼置河州有軍器坊又引一統志開元東北五百里有穩圖河源出坊州北山北流

入松花江所謂坊州疑即河州矣考遼金無坊州第四河州有軍器坊而遂以坊州屬之亦恐未足為憑也

夫餘府

新唐書夫餘故地爲夫餘府常屯勁兵捍契丹領扶仙二州

新唐書夫餘契丹道也

遼史東京龍州黃龍府本渤海夫餘府太祖平渤海還至此有黃龍見更名保寧七年軍將燕頗叛府廢開泰九年遷城於東北所屬黃龍縣本渤海長平縣併富利佐慕肅慎置遷民縣本渤海永寧縣併豐水扶羅置永平縣渤海置

遼史東京通州安縣軍本夫餘國王城渤海號夫餘城太祖改龍州聖宗更今名保寧七年以黃龍府叛人燕頗餘黨置所屬通遠縣本渤海夫餘縣併布多縣置安遠縣本渤海

顯義縣併鵠川縣置歸仁縣本渤海強師縣按金史渤海強師縣北有細河併新安縣置漁谷縣本渤海

按夫餘府地鄰契丹遼改黃龍府在今開原縣及開原邊外之境扶仙二州遼時俱廢
思扶州即因夫餘得名當爲附郭所屬縣名見於遼史屬龍州者入屬通州者六當即扶
仙二州所隸第遼史既言改夫餘府爲龍州又言改龍州爲通州而所置諸縣或沿或併
尚仍其舊史有訛誤疑遼之龍州其地本廣因燕頗之役舊治已廢開泰中移黃龍府於
東北又分置通州也黃龍府所屬長平等縣爲扶州屬邑通州所屬夫餘等縣即爲仙州
屬縣也又按渤海夫餘府與契丹爲鄰未能過開原以北遼之黃龍府境又稍廣舊五代
史言北至混同江僅百里則又遼史遷府於東北之明證也

遼史太祖天贊四年十二月丁巳夜圍夫餘府天顯元年正月拔之

舊五代史後唐天成元年十一月登州狀申契丹攻逼渤海自契丹王卒雖已抽退尚留

兵馬在夫餘城今渤海王弟領兵攻圍夫餘城契丹

新五代史後唐明宗時契丹攻渤海取夫餘一城以爲東丹國

宋史後唐天成初契丹攻夫餘城下之攻夫餘爲東丹府留其子托雲鎮之契丹主卒勃海王復攻夫餘不能克

宋史太宗太平興國四年賜烏舍城浮渝府渤海瑋府王詔令助攻契丹按浮渝當即夫餘以音近而訛

宋與渤海隔絕蓋傳聞舛誤之辭

通考宋太平興國六年定安國王烏元明言臣本渤海遺黎保據方隅不降契丹夫餘府

昨背契丹並歸本國案烏氏爲渤海大姓夫餘復歸事遼史未載

鄭頡府

新唐書鄭頡府領鄭高二州鄭州諸書未見當即附郭之柳河縣地也

遼史東京韓州本橐離國舊治柳河縣高麗置鄭頡府都督鄭頡二州渤海因之按渤海州名係

鄭高此云鄭頡疑遼史之誤今廢太宗置三河榆河二州聖宗併二州置柳河縣本渤海粵喜縣併萬

安縣置柳河詳見前鞞鞞條榆河在科爾沁右翼前旗遼河在左翼東南四百五十里經左翼後旗入邊又左翼東南四百七十里有阿勒瑪圖城近開原邊外當即遼韓

州故城也

遼史天顯元年二月鄭頡府節度來朝三月鄭頡府叛遣阿敦討平之

金史東京韓州本渤海鄭頡府

高州

遼史上京遂州本高州地西北至上京一千里按遼中京別有高州此遂州屬上京與鳳州相鄰鳳州亦橐離國地在韓州北二百

新唐書夫餘故地爲夫餘府常屯勁兵捍契丹領扶仙二州

新唐書夫餘契丹道也

遼史東京龍州黃龍府本渤海夫餘府太祖平渤海還至此有黃龍見更名保寧七年軍將燕頗叛府廢開泰九年遷城於東北所屬黃龍縣本渤海長平縣併富利佐慕肅慎置遷民縣本渤海永寧縣併豐水扶羅置永平縣渤海置

遼史東京通州安縣軍本夫餘國王城渤海號夫餘城太祖改龍州聖宗更今名保寧七年以黃龍府叛人燕頗餘黨置所屬通遠縣本渤海夫餘縣併布多縣置安遠縣本渤海

顯義縣併鵠川縣置歸仁縣本渤海強師縣按金史渤海強師縣北有細河併新安縣置漁谷縣本渤海

按夫餘府地鄰契丹遼改黃龍府在今開原縣及開原邊外之境扶仙二州遼時俱廢縣扶州即因夫餘得名當爲附郭所屬縣名見於遼史屬龍州者八屬通州者六當即扶仙二州所隸第遼史既言改夫餘府爲龍州又言改龍州爲通州而所置諸縣或沿或併尚仍其舊史有訛誤疑遼之龍州其地本廣因燕頗之役舊治已廢開泰中移黃龍府於東北又分置通州也黃龍府所屬長平等縣爲扶州屬邑通州所屬夫餘等縣即爲仙州屬縣也又按渤海夫餘府與契丹爲鄰未能過開原以北遼之黃龍府境又稍廣舊五代史言北至混同江僅百里則又遼史遷府於東北之明證也

遼史太祖天贊四年十二月丁巳夜圍夫餘府天顯元年正月拔之

舊五代史後唐天成元年十一月登州狀申契丹攻逼渤海自契丹主卒雖已抽退尚留

兵馬在夫餘城今渤海王弟領兵攻圍夫餘城契丹

新五代史後唐明宗時契丹攻渤海取夫餘一城以爲東丹國

宋史後唐天成初契丹攻夫餘城下之攻夫餘為東丹府留其子托雲鎮之契丹主卒渤海王復攻夫餘不能克

宋史太宗太平興國四年賜烏舍城浮渝府渤海瑋府王詔令助攻契丹按浮渝當即夫餘以音近而訛

宋與渤海隔絕盡傳聞舛誤之辭

通考宋太平興國六年定安國王烏元明言臣本渤海遺黎保據方隅不降契丹夫餘府

昨背契丹並歸本國素烏氏為渤海大姓夫餘復歸事遼史未載

鄭頡府

新唐書鄭頡府領鄭高二州鄭州諸書未見當即附鄭之柳河縣地也

遼史東京韓州本橐離國舊治柳河縣高麗置鄭頡府都督鄭頡二州渤海因之按渤海州名係

鄭高此云鄭頡疑遼史之誤今廢太宗置三河榆河二州聖宗併二州置柳河縣本渤海粵喜縣併萬

安縣置柳河詳見前鞞鞞條榆河在科爾沁右翼前旗遼河在左翼東南四百五十里經左翼後旗入邊又左翼東南四百七十里有阿勒瑪圖城近開原邊外當即遼韓

州故城也

遼史天顯元年二月鄭頡府節度來朝三月鄭頡府叛遣阿敦討平之

金史東京韓州本渤海鄭頡府

高州

遼史上京遂州本高州地西北至上京一千里按遼中京別有高州此遂州屬上京與鳳州相鄰鳳州亦橐離國地在韓州北二百

里西北至上京九百里遂州西北至上京千里則與韓州相去止百里此高州即渤海高州之明證也若中京之高州則唐時信州之地遼聖宗伐高麗以俘戶置在今喀喇沁非渤海之高州也元一統志所稱高州即此

安寧郡

遼史上京鳳州橐離國故地渤海之安寧郡境在韓州北二百里西北至上京九百里

州與韓州柘鄰皆橐離故地此安寧郡當為鄭顯府之支郡今附于此

定理府

新唐書挹婁故地為定理府領定潘二州

按潘字遼史作潘當係此誤

遼史東京定理府刺史故挹婁國地

遼史潘州挹婁縣遼嘗置定理府刺史於此本挹婁故地大定二十九年章宗更名有范

河清河按范河清河俱在今鐵嶺縣城南遼定理府刺史之置及定州之廢史文闕畧不詳以金史參考之今鐵嶺一縣近南者為金之挹婁縣則定理府所統而渤海定

州安定郡所治也近西者為雙城縣則遼雙州所統也遼始置定理府于挹婁縣則省刺史廢定州為雙州與潘州不復相屬金又廢雙州併雙城入潘州尚可考見渤海之舊

耳

遼史天顯元年二月定理府節度來朝三月定理府叛遣阿敦討平之五月定理府復叛

大元帥耀庫濟討之

定州

遼史東京雙州保安軍本挹婁故地渤海置安定郡統縣一雙城縣本渤海安夷縣地

海屬州亦有支郡之稱如盧州爲杉盧郡穆州爲會農郡是也此安定郡爲挾婁故地當卽定州地遼東京又別有定州不言渤海所置在今朝鮮之平安道五代以前亦屬渤海後高麗復取之至遼聖宗開泰三年伐高麗取其保定二州保州在平壤西北百餘里金初割還朝鮮今安州是也定州在平壤西北二百餘里遼末亦入朝鮮今仍爲定州與渤海瀋州隔西京鴨綠府名是而地非也雙城故縣在鐵嶺西六十里金時州廢以縣屬瀋州

瀋州

遼史瀋州本挾婁國地渤海建瀋州故縣九皆廢統州一縣二按州一爲巖州白巖軍本渤海盧州所屬之白巖縣

遼太宗撥屬瀋州樂郊靈源二縣則遼太祖所置亦非渤海舊名樂郊爲瀋州治所卽今承德縣也

遼史敦睦宮以渤海瀋州戶置

金史瀋州本遼定理府地縣五樂郊按原注云遼置有渾河官爲附郭章義遼廣州渤海屬鐵利府遼濱遼舊遼州挾婁

遼書置定理府詳見前雙城遼雙州詳見前

遼東行部誌瀋州在唐時嘗爲高麗侵據高宗命李勣東征置安東都護府于平壤城實今之瀋州也唐季爲大氏所有

元一統志瀋陽路本挾婁故地渤海建定理府都督瀋定二州領定理平邱巖城慕美安

夷瀋水安定保山能利九縣此爲瀋州地後權兵火其定州與縣並廢卽瀋州爲興遼軍

節度金末瀋州復燬於兵火

元史瀋陽路本挾婁故地渤海建定理府都督瀋定二州此爲瀋州地

明一統志瀋陽中衛在遼東都司北百二十里漢遼東郡地渤海置瀋州

安邊府

新唐書安邊府領安瓊二州按瓊州遼廢無可考

遼史天顯元年二月安邊府節度來朝三月安邊府叛遣阿敦討平之

安州

遼史安州刺史兵事隸北女真兵馬司

元一統志歸仁縣故城在咸平府北舊安州金皇統三年改為縣後廢城址猶存按渤海

書皆缺安州可見者亦止此歸仁縣金隸咸平府遼舊隸通州并渤海強師新安二縣地強師屬夫餘府新安或當屬安州其地應在開原邊外又朝鮮平安道有安州則為遼之

保州非一地也

松漠紀聞自信州二百九十里至安州南鋪按此為遼上京至燕之程蓋自東北而西南行也

率賓府

新唐書率賓故地為率賓府領華益建三州按華州無可考當為附郭也

遼史東京率賓府刺史故率賓國地按遼率賓府在涇州定理府之間當即渤海舊治

遼史東京康州率賓縣本渤海率賓府地按康州屬顯州在渤海為顯德府地當係遷率賓民戶所置非故地也

金史上京率賓舊訛恤品今改正路遼時為率賓府置刺史本率賓故地西北至上京一千五百

七十里東北至呼爾哈舊作胡里今改一千一百里西南至海蘭舊作曷今改一千二百里北至邊

界威伊克阿林舊作幹阿隣今改二千里按恤品即率賓之訛金史亦作速頻音實相同也以金史道里計之則率賓故府當在今鄂多理城之南威伊

克阿林今盛京極東北大山也上無樹木惟生青苔與俄羅斯邊界又明志建州衛東南有率賓河率賓路之名以此

益州

遼史東京益州觀察屬黃龍府

契丹國志宋政和五年金太祖攻遼取賓祥威三州進薄益州

按鴨綠江一名益州江則益州實與鴨綠江近當在

長白山西南遼改屬黃龍府遼史不言仍渤海之舊或因其名而不必即其故地也

建州

元一統志金上京之南曰建州

明實錄永樂二年置建州衛

按我朝皆有建州並在今

肇興之地即渤海建州之故墟也遼金元喀喇沁及土默特境為遼時所移非渤海

之舊詳見前部族門

東平府

新唐書拂涅故地為東平府領伊蒙沱黑比五州

按五州可考者惟蒙州餘俱遼時廢

遼史東京遼州本拂涅國城渤海為東平府唐太宗親征高麗李世勣拔遼城高宗詔程

名振蘇定方討高麗至新城大破之皆此地也太祖伐渤海先破東平府遷民實之故東

平府都督伊蒙沱

按沱字與唐書異

黑比五州共領縣十八皆廢

按志云遼州有遼河羊腸河子河蛇山狼山黑山巾子山今

考羊腸河在廣寧縣城東四十五里錐子河在廣寧城東北四十里即珠子河也遼河亦經廣寧縣東北二百三十里蛇山一在廣寧城東三十里一在東北九十五里狼山在廣

寧城東北二十里今名狼虎山黑山在廣寧城東北八十里又有西黑山在城東北七十里大黑山在城東七十里小黑山在城東六十里則渤海之東平府實在今廣寧東北

也遼東平府治遼濱縣
故城在今承德西北

蒙州

遼史祺州

舊訛祺今祐聖軍本渤海蒙州地

按遼祺州統慶雲縣以所得檀州密雲民建為州治所金廢州以慶雲縣隸咸平府元又

廢縣為慶雲驛在今鐵嶺西北五十里

遼史東京紫蒙縣拂涅國置東平府領蒙州

原本脫蒙州明志引紫蒙縣尋徙遼城并入遼史有之今據增入

黃嶺縣渤海復置紫蒙縣遼因之屬遼陽府

沱州

遼史貴德州本漢襄平縣地有沱河

按沱州無可考或因沱河得名今附見新唐書亦言涓沱湖之鮑為渤海物產之珍也

東平寨

遼史尙州本漢襄平縣地渤海置東平寨

金史咸平府銅山縣遼同州本漢襄平縣遼以東平寨置南有柴河北有清河西有遼河

遼史作尙州與此異考遼志別有尙州此東平寨之地當為同州以字相近而誤也

懷遠府

新唐書越喜故地為懷遠府領達越懷紀富美福邪芝九州

按九州可考者惟富美福三州餘俱遼時廢

遼史東京信州本越喜故城渤海置懷遠府武昌縣本渤海懷福縣地定武縣本渤海豹

山縣地併乳水縣人戶置

金史上京信州本渤海懷遠軍遼開泰七年建縣一武昌本渤海懷福縣地按懷遠府當在渤海邊界

其所統州為最多可考者惟富美福三州餘盡為遼所廢考信州故城在今科爾沁左翼東南三百八十里開原邊外全遼志稱自開原東北至信州三百十里是也今有古城周一里門八土人猶呼信州城

一里門八土人猶呼信州城

富州

遼史東京銀州富國軍本渤海富州太祖以銀冶更名統縣三延津縣本渤海富壽縣境

有延津故城更名新興縣本越喜國地渤海置銀冶嘗置銀州永平縣本渤海優富縣地

金史咸平府新興縣遼銀州富國軍本渤海富州熙宗皇統三年廢州更名來屬有范河

柴河遼河詳前鞞疆或條按渤海富州治富壽縣遼更富壽為延津更優富為新興金改延津為新興以隸咸平今鐵嶺縣則渤海之富壽遼之延津金之新興也又有故新興城在鐵嶺治東則渤海之優富遼所置新興縣也又永平廢縣在鐵嶺東北

有故新興城在鐵嶺治東則渤海之優富遼所置新興縣也又永平廢縣在鐵嶺東北

美州

遼史東京遂州本渤海美州地統縣一山河縣本渤海縣併黑川麓川二縣置

福州

遼史上京福州國舅蕭寧建南征俘漢民居北安平故地在原州北二十里西北至上京

七百八十里按原州在顯州東北三百里史雖不言福州仍渤海之舊然以他州道里計之實屬相近其稱名當有自耳

胡嶠北行記嶠為蕭翰掌書記自翰得罪被鎖嶠與部曲東之福州翰所治也嶠等東行

過一山名十三山云此西南去幽州二千里又東行數日過衛州至福州按十三山在今錦縣城東七十

五里去京師不及二千里嶠蓋約畧之詞備州當係渭州之訛在顯州東北二百五十里

鐵利府

新唐書鐵利故地為鐵利府領廣汾蒲海義歸六州案汾海二州無考遼之海州渤海為南海府另列前條非此州也蓋俱係

廢遼

遼史東京鐵利府故鐵利國地

廣州

遼史廣州漢屬襄平高麗為當山縣渤海為鐵利郡太祖遷渤海人居之建鐵利州統和

八年省開泰七年以漢戶置

金史瀋州章義縣遼舊廣州皇統三年降為縣來屬有遼河東梁河遼河大口按東梁河即太子河

亦名大梁河明志章義故城在瀋陽中衛西南六十里有章義站

松漠紀聞瀋州六十里至廣州七十里至大口

蒲州

松漠紀聞興州前見四十里至蒲河四十里至瀋州

元一統志蒲河在瀋陽路源出鐵利國蒲谷流經蒲水田過故名按蒲州遼初已廢本鐵利國地自應以蒲河得

名以洪皓所記考之距瀋州四十里今承德縣城西北四十里香爐山蒲河源在焉蒲州之設亦應在此

義州

遼史上京慶州富義縣本義州太宗遷渤海義州民於此重熙元年降義豐縣後更名

遼史上京永州義豐縣本鐵利府義州遼兵破之遷其民於南樓之西北仍名義州重熙

元年廢州改今縣在州西北一百里又嘗改富義縣屬慶州原誤秦州今改正始末不可具考今

兩存之按富義義豐當係渤海義州縣名遼徙其民分屬慶永二州非渤海故地

金史義州崇義軍遼宜州天德三年更名按遼史宜州崇義軍屬中京東丹王每秋攻于此與宗以定州俘戶置與錦州相次實今義州

地前所載富義義豐兩縣既云遷義州民于此雖仍舊名明非故地乃又云本渤海義州此自相矛盾也合遼金兩史考之似渤海義州之民分徙兩縣故地已空與宗時方以定

州俘戶實之以義為宜金時始更正耳

元史大寧路有義州

明一統志義州衛遼宜州金改為義州治宏政縣元省縣州屬大寧路洪武二十二年置

衛按金元明之義州即今義州地在遼為宜州俱未言渤海之舊然考遼史實係東丹王分地為每歲秋攻之所則實係渤海故壤宜與義或因音同而字異金朝改宜為義正

非漫然耳又今義州城西南五十里有古饒慶縣城遼金並無此縣名金義州所屬但有饒慶鎮或即渤海舊縣而金廢為鎮歟

歸州

遼史東京歸州太祖平渤海以降戶置後廢統和二十九年伐高麗以所俘渤海戶復置

縣一歸勝

安遠府

新唐書安遠府領寧郿慕常四州按寧州慕州俱近朝鮮常州屬朝鮮平安道之定遠府郿州疑即平安道之買州考元史東寧路本高麗平壤

城所屬有定遠府至元六年來歸
或卽安遠府之地而稍易其名也

寧州

遼史東京寧州觀察統和二十九年伐高麗以渤海降戶置兵事隸東京統軍司統縣一

新安

慕州

遼史東京慕州本渤海安遠府地故縣二慕化崇平久廢戶二百隸涿州在西北二百里

按遼慕州移屬涿州鴨綠軍則安遠一府固與今高麗相近又考一統志朝鮮平安道有定遠府有常州當卽仍渤海之舊又有賈州字義無取疑卽郿音之訛也

郿銅涑三州

新唐書郿銅涑三州爲獨奏州按通考文與此同獨奏之義當猶今直隸州不轄於府而事得專達也

遼史東京郿州渤海置

遼史銅州廣利軍渤海置統縣一析木縣渤海爲花山縣初隸東京後來屬按金史金廢銅州以析木

縣隸澄州

遼史咸州安東軍本高麗銅山縣地渤海置銅山郡地在漢候城縣北渤海龍泉府南開

泰八年置州統縣一咸平縣唐安東都護治營平二州間卽此按渤海諸州間有支郡之稱如盧州之稱彰盧郡定

州之稱安定郡是也此銅山郡亦當爲銅州所分治遼析爲一州所云在營平間者爲得其實至云在龍泉府南則約畧之詞耳至金之銅山縣雖屬咸平府然在遼爲同州鎮安

軍名同而地異亦相附近也

金史咸平府本高麗銅山縣地遼為咸州

遼東行部志咸平本渤海地契丹改為咸州金為咸平府

元一統志銅山郡故城在咸平府南

元史咸平府古朝鮮地箕子所封漢屬樂浪郡後高麗有其地唐置安東都護以統之繼為渤海大氏所據遼平渤海以其地多險隘建城以居流民號咸州金升咸平府元初因之隸開元路後復割出隸遼東宣慰司

通考涑州以其近涑沫江蓋所謂栗末水也

遼史東京涑州渤海置

蓋州

遼史辰州本高麗蓋牟城唐太宗會李世勣攻破蓋牟城即此渤海改為蓋州又改辰州

以辰韓見前得名統縣一建安按以下四州皆在唐書通考所載六十州之外今並附於此蓋牟亦稱蓋曷牟金仍改蓋州統縣四湯池即遼鐵州

秀巖即今岫巖熊岳即遼盧州熊岳縣並金時廢州來屬惟建安尚仍遼舊至元時併湯池熊岳入建安又省建安入蓋州初為蓋州路後併入遼陽路即今蓋平縣也又熊岳城

在蓋州南六十里有熊岳山熊岳河

崇州

遼史崇州本漢長岑縣地渤海置州故縣三崇山瀉水緣城皆廢戶五百在京東北二百

五十里按渤海州名有榮州無崇州榮為中京所屬與湯興二州相次今遼史以崇州次於湯興之後而東京所屬別有榮州又不載其沿革疑崇字即榮字之訛而榮州

又複出也

遼史貴德州貴德縣本漢襄平縣渤海為崇山縣奉德縣本渤海緣按此又作緣與前異城縣地金

史貴德縣有范河見前定理府注

集州

遼史集州古陴離郡地漢屬險瀆縣高麗為霜巖縣渤海置州統縣一奉集縣渤海置按

集廢縣在今撫順城南八十里

金史貴德州奉集縣遼集州奉集縣本渤海舊縣有渾河

麓州

遼史麓州渤海置按唐書通考渤海無此州名遼史載其名而不詳其地又遼乾州所屬之司農縣本渤海麓郡縣併麓波雲川二縣入焉亦未詳渤海所隸之

州今附於此乾州為漢無慮縣地因醫巫閭得名或麓州麓郡亦因附北鎮之麓而名歟

謹按渤海五京五府之外為長嶺等十府長嶺在吉林西南夫餘府在開原鄭頡在開原

邊外科爾沁界定理府在鐵嶺以南承德界安邊府亦在開原邊外率賓府與

本朝

發祥之鄂多理城相近東平府在廣寧東北懷遠府在鐵嶺鐵利府濱太子河安遠府在高麗界

其後所屬之州半為遼時廢併而因革可溯者尚多又有鄂銅涑三州不隸於府台之十

五府所屬共為州六十與所稱六十二州之數不符考之遼史則又別出蓋崇集麓四州

唐書通考皆未之載與六十二州之數亦不合今以地理考之蓋集二州與顯德府屬之鐵州盧州相近當時或間有省併而史不能詳崇州疑卽榮州以字形相近而訛麓州則史文殊畧今附列於諸州之後而支郡之可考者亦各附於本條至若古今沿革及山川道里有足證據臚注於下凡史文舛誤及名同而地異者並加訂正用資參考云

... 皇... 以... 滿洲... 源流... 考... 卷十... 十四

... 皇... 以... 滿洲... 源流... 考... 卷十... 十四

... 皇... 以... 滿洲... 源流... 考... 卷十... 十四

欽定滿洲源流考卷十

欽定滿洲源流考卷十一

疆域四

遼東北地界

北盟會編遼太祖遷女真大姓數千戶置遼陽之南使不得與本國相通名曰哈斯罕按蘇欵又作曷蘇館今改正按滿洲語哈斯罕滿語也據此謂之熟女真按滿洲語稱

云使不得與本國往來實有防閑之意與滿洲語意相合謂之熟女真按滿洲語稱

滿珠謂舊滿洲也此所云生熟蓋即新舊之意自咸州東北分界入山谷至於粟末江中

間所居隸咸州兵馬司許與本國往來非熟女真亦非生女真也自粟末之北寧江之東

北處界外者則謂之生女真遼國沿邊置東京黃龍府兵馬都部署司咸州湯河兵馬司

東北路統軍司分隸之謂之羈縻道

契丹國志東南至新羅即條國西以鴨綠江東八里黃土嶺為界至保州十一里大東南

至五節度熟女真國係契丹樞密院所轄差契丹或渤海人充節度管押西北至東京五

百餘里又大東南至熟女真國按此疑即自咸州至粟末不屬契丹所管去東京二百餘

里東北至生女真國契丹常設防備西南去東京六百里又東北至烏舍滿洲語皮條也

正國阿里瑪蒙古語梨也舊作國布庫里蒙古語整全也舊國各一萬戶衣裳言語與女

真異西去上京四千餘里又東北至鐵驪鞬鞬鞬國次東北至靺鞨國按靺鞨即女真國

殊誤蓋作志者披拾舊文未足為據

遼上京長春州

遼史長春州本鴨子河春獵之地興宗重熙八年置統縣一長春縣本混同江地戶二千

按遼上京臨潢府在今巴林阿魯特等處惟長春一州實混同江今杜爾伯特扎賴特各州之北境則遼長春州當與今白都訥相近

遼史兵衛志長春縣丁四千

金史泰州承安二年置於長春縣北至邊四百里南至懿州八百里東至肇州三百五十

里戶三千五百四縣一長春遼長春州天德二年降為縣隸肇州承安三年來屬

遼史春巴納舊作納鉢今改正按滿洲語巴納地方也蓋指遊獵之地而言曰鴨子河梁皇帝正月上旬起牙帳約六十

日方至天鷲未至卓帳冰上鑿水取魚水泮乃縱鷹鵠捕鷲雁晨出暮歸鴨子河梁東西

二十里南北三十里在長春州東北三十五里四面皆沙塢多榆柳杏林

契丹國志每歲正月上旬出行射獵凡十六日然後並洮爾河鑿水釣魚水泮即縱鷹鵠

以捕鷲雁按遼史本紀載聖宗太平四年改鴨子河為混同江塔魯河為長春河然又屢以鴨子混同二水並稱即金史亦並稱鴨子混同據契丹國志則鴨子即塔魯

河今洮爾河也又契丹國志云太宗破晉改粟末河為混同江史志傳訛未有確據並詳後山川門

大金國志太祖十四年遼天祚帝率蕃漢兵十餘萬出長春路分五部北出駱駝口太祖

乘其未陣三面擊之天祚大敗退保長春太祖乘勝遂平渤海遼陽等五十四州

遼東京遼陽府

遼史東京遼陽府本朝鮮之地後為渤海大氏所有號中京顯德府太祖攻渤海俘其王

太諲讓以爲東丹王國神冊四年葺遼陽故城以渤海漢戶建東平郡爲防禦州天顯三年遷東丹國民居之升爲南京城名天福高三丈有樓櫓幅員三十里八門東曰迎陽東南曰韶陽南曰龍原西南曰顯德西曰大順西北曰大遼北曰懷遠東北曰安遠宮城在東北隅高三丈具敵樓南爲三門壯以樓觀四隅角樓相去二里外城謂之漢城東至烏爾呼赫滿洲語偏也舊作烏魯虎克今改四百里南至海邊鐵山八百六十里西至望平縣海口三百六十里北至挹婁縣范河二百七十里東西南三面抱海天顯十三年改南京爲東京府曰遼陽戶四萬六百轄州府軍城八十七統縣九遼陽縣本漢泃水縣戶一千五百仙鄉縣本漢遼陽縣戶一千五百鶴野縣本漢居就縣地戶一千三百析木縣本漢望平縣地戶一千紫蒙縣本漢鏤方縣地戶一千興遼縣本漢平郭縣戶一千肅慎縣以渤海戶置歸仁縣順化縣按歸仁順化二縣沿革利詳

開州

遼史開州鎮國軍節度本滅地渤海爲龍原府詳前開泰三年遷雙韓一州千餘戶實之號開封府開遠軍節度更名鎮國軍隸東京留守兵事屬東京統軍司統州三縣一開遠縣本龍原縣詳前開遠初廢聖宗東討復置以軍額名戶一千

遼史鹽州本龍河郡詳前渤海條隸開州相去二百四十里

遼史穆州保和軍刺史本會農郡詳前渤海條戶三百東北至開州一百二十里統縣一會農

縣

遼史賀州刺史本吉理郡詳前渤海條戶二百隸開州

定州

遼史定州保寧軍高麗置州聖宗統和十三年升軍遷遼西民實之統縣一定東縣高麗所置遼徙遼西民實之戶八百

保州

遼史保州宣義軍節度高麗置州故縣一曰來遠聖宗以高麗王詢擅立問罪取其保定二州統和末高麗降於此置榷場隸東京統軍司縣一來遠縣初徙遼西諸縣民實之又徙奚漢兵七百防戍焉戶一千

遼史宣州定遠軍刺史開泰三年徙漢戶置隸保州

遼史懷化軍下刺史開泰三年置隸保州

辰州

遼史辰州奉國軍節度本蓋牟城渤海改爲蓋州詳前渤海條遼徙其民於祖州初曰長平軍

戶二千統縣一建安縣

元一統志蓋州地最要衝稱爲繁富契丹移其民於上京西祖州後陞爲長平軍

盧州

遼史盧州元德軍刺史本渤海杉盧郡詳前渤海條統縣一熊岳縣西至海二十五里傍海有

熊岳山

明一統志熊岳廢縣在蓋州衛南六十里遼爲盧州治所金屬蓋州元省熊岳城

來遠城

遼史來遠城本熟女真地統和中伐高麗以燕軍驍猛置兩指揮建城防戍兵事屬東京

統軍司

元一統志來遠城本熟女真地遼伐高麗於此建城先是侵高麗軍敗值冬雪彌旬不止人馬多斃軍會鴨綠江餘軍漂溺遼主隆緒次來遠界有防邊猛軍數十人遇而劫之遼問所從來開襟示其金製環甲眾軍驚散遼主至遠城收不在營中者誅之金陞來遠軍

鐵州

遼史鐵州建武軍刺史本漢安市縣地詳前渤海條統縣一湯池縣

鴨江行部誌湯池縣本遼時鐵州

明一統志安市廢縣在蓋州衛東七十里故鐵州金爲湯池縣元省

興州

遼史興州興中軍節度本漢海宜縣地詳前渤海條

北盟會編第二十四程至梁魚務過遼河二十七程至興州

許亢宗奉使行程錄自瀋州七十里至興州遼太祖破渤海建為東京路自此所至居民

稍盛食物充足

揚州

遼史揚州本漢襄平縣地詳前渤海條

崇州

遼史崇州隆安軍刺史本漢長岑縣地詳前渤海條統縣一崇信縣

海州

遼史海州南海軍節度本沃沮詳前渤海條國地渤海號南京南海府詳前渤海條太平中大延琳叛

南海城堅守經歲不下別部酋長皆被擒乃降因盡徙其民於上京移澤州民來實之戶

一千五百統州二縣一臨溟縣

明一統志臨溟廢縣在海州衛東一百八十里遼置金屬澄州元省

遼史耀州刺史本渤海椒州詳前渤海條隸海州統縣一巖淵縣

明一統志廢耀州在海州衛西南二百里

遼史曠州柔遠軍刺史本渤海晴州詳前渤海條

元一統志遼太平九年渤海大延琳叛盡徙南海府人於上京之北移澤州民以實其城仍號南海府金改海州又改澄州又廢嬪州爲新昌鎮入焉

涿州

遼史涿州鴨綠軍本高麗故國渤海西京鴨綠府詳前渤海條大延琳叛遷餘黨於上京置易

俗縣居之在者戶二千隸東京留守司統州四縣二宏聞縣神鄉縣

桓州

豐州

正州

慕州俱詳前渤海條惟慕州渤海別屬安遠府遼移屬涿州

顯州

遼史顯州奉先軍上節度本渤海顯德府地詳前渤海條世宗置以奉顯陵顯陵者東丹人皇

王墓也人皇王性好書購書數萬卷置醫巫閭山絕頂築堂曰望海大同元年世宗親護

人皇王靈駕歸自汴京以人皇王愛醫巫閭山水奇秀因葬焉州在山東南遷東京三百

餘戶以實之應歷元年穆宗葬世宗於顯陵西山仍禁樵採兵事屬東京都部署司統州

三縣三奉先縣本漢無慮縣卽醫巫閭世宗析遼東長樂縣民以爲陵戶山東縣本漢望

平縣世宗割渤海永豐縣民爲陵戶歸義縣初置顯州渤海民自來助役世宗嘉憫因籍

其人戶置縣

金史天輔元年拔顯州乾懿豪徽成川惠等州皆降

許亢宗奉使行程錄自錦州八十里至劉家莊自劉家莊一百里至顯州

遼史嘉州嘉平軍下刺史隸顯州

遼史遼西州阜成軍中刺史本漢遼西郡地世宗置州屬顯州統縣一長寧縣統和八年

以諸宮提轄司人戶置

遼史康州下刺史世宗遷渤海率賓府人戶置屬顯州縣一率賓縣

詳前渤海條

遼東行部誌廣寧本陽羅郡渤海顯德府遼世宗改顯州

宗州

遼史宗州下刺史在遼東石熊山耶律隆運以所俘漢民置聖宗立為州統縣一熊山縣

本渤海縣地

乾州

遼史乾州廣德軍上節度本漢無慮縣地聖宗統和二年置以奉景宗乾陵有凝神殿兵

事隸東京都部署司統州一縣四奉陵縣本漢無慮縣地括諸落帳戶助營山陵延昌縣

析延昌宮戶置靈山縣本渤海靈峯縣地司農縣本渤海麓郡縣

見前渤海條

元一統志乾州故城在廣寧府西南七里遼統和二年立今基址頽然

遼東行部誌間陽遼乾州也去廣寧五里

北盟會編離顯州七里別建乾州以奉陵寢

明一統志乾州城在廣寧衛西南七里

遼史海北州廣化軍中刺史世宗以所俘漢戶置地在間山之西南海之北初隸宣州後

屬乾州統縣一開義縣

明一統志開義廢縣在義州衛南四十里遼置為海北州治所金屬義州元省

貴德州

遼史貴德州寧遠軍下節度本漢襄平縣地漢公孫度所據太宗時察克蒙古語時也舊作察割今改正

以所俘漢民置州聖宗建貴德軍後更名兵事屬東京都部署司統縣一貴德縣本漢襄

平縣渤海為崇山縣奉德縣本渤海緣城縣地嘗置奉德州詳前渤海條崇山緣城並渤海崇州縣名緣城又作緣城

元一統志貴德州今廢為巡檢司

元一統志公孫廢城在貴德州漢末公孫度為遼東太守治襄平傳子至孫據有其地遺

址猶存

元一統志大寶城在廢貴德州

瀋州

遼史瀋州昭德軍中節度本挹婁國地渤海置州詳前渤海條太宗置興遼軍後更名兵事隸

東京都部署司統州一縣二樂郊縣太祖俘薊州三河民建三河縣後更名靈源縣太祖俘薊州吏民建漁陽縣後更名

大金國志太祖十五年渤海人高永昌自稱大渤海國皇帝據有遼東五十餘州遼主遣

張琳討之至瀋州女真遣兵來援琳敗績

許亢宗奉使行程錄自顯州一百五十里至梁漁務又一百二里至摩綽滿洲語拙也舊作沒咄今改正

寨又八十里至瀋州

遼史巖州白巖軍下刺史本渤海白巖城靉統縣一白巖縣

元一統志瀋陽渤海建定理府都督潘定二州此為瀋州地後罹契丹兵火其定州與縣

並廢即瀋州為興遼軍又更昭德

集州

遼史集州懷眾軍下刺史古毘離郡地詳前渤海條統縣一奉集縣

明一統志奉集廢縣在撫順千戶所南八十里漢為險瀆縣金屬貴德州

廣州

遼史廣州防禦漢屬襄平縣渤海為鐵利郡詳前渤海條太祖遷渤海人居之建鐵利州統和

八年省開泰七年以漢戶置統縣一昌義縣

金史瀋州章義縣遼舊廣州皇統三年降為縣有遼河東梁河

明一統志章義廢縣在瀋陽衛西南六十里遼置廣州金改為縣屬瀋州元省

遼州

遼史遼州始平軍下節度渤海為東平府詳前渤海條太祖改為州軍曰東平太宗更為始平

軍兵事屬北女真兵馬司統州一縣二遼瀆縣安定縣

明一統志遼瀆廢縣在瀋陽衛西北一百八十里本拂涅國詳前拂涅條地遼為遼州治金貞祐

時廢

遼史祺州祐聖軍本渤海蒙州地詳前渤海條太祖以檀州俘戶於此建檀州後更名兵事屬

北女真兵馬司統縣一慶雲縣太祖俘密雲民於此建密雲縣後更名

遂州

遼史遂州本渤海美州地詳前渤海條採訪使耶律佛德滿洲語令其上紫之謂舊作頗德今改正置穆宗沒入焉

隸延昌宮統縣一山河縣

通州

遼史通州安遠軍渤海號夫餘城詳前渤海條太祖改龍州聖宗更今名保寧七年以黃龍府

叛人燕頰餘黨千餘戶置陞節度統縣四通遠縣安遠縣歸仁縣漁谷縣

韓州

遼史韓州東平軍下刺史高麗置鄭頡府詳前渤海條太宗置三河榆河二州聖宗併二州置

隸延昌宮兵事屬北女真兵馬司統縣一柳河縣

遼東行部誌癸酉次柳河縣舊韓州也先徙州於奚營州後改爲縣又以城近柳河故以名之乙亥次韓州遼聖宗時併三河榆河二州爲韓州三河本燕之三河遼俘其民於此置州故因其舊名而故城在遼水之側常苦風沙移於白塔寨後爲遼水所侵移於今柳河縣又以州非衝途卽徙於舊九百奚營卽今所治是也

元一統志柳河縣故城本粵喜靦前靦地後置縣以其地近柳河故名契丹併入安方縣

今城址猶存按遼史柳河縣本渤海粵喜靦地併萬安縣置此作安方誤

雙州

遼史雙州保安軍下節度渤海安定郡詳前渤海條久廢察克解見前源文作歐里僧王而下文又作察訶係一人兩名字互

彌今從太宗南征以存鎮定二州之民建城置州後沒入焉初隸延昌宮後屬崇德宮兵

事隸北女真兵馬司統縣一雙城縣

銀州

遼史銀州富國軍下刺史本渤海富州詳前渤海條太祖以銀治更名隸宏義宮兵事屬北女

真兵馬司統縣三延津縣有延津故城新興縣永平縣舊有永平寨

許亢宗奉使行程錄離興州五十里至銀州又四十里至咸州

同州

遼史同州舊訛尙州金史作同考遼史東京道別有尙州此爲同州無疑今改鎮遠軍下節度本漢襄平縣地太祖置州軍

曰鎮東後更名隸彰德官兵事屬北女真兵馬司統州一未詳縣二東平縣本漢襄平縣

地產鐵撥戶三百採鍊隨征賦輸永昌縣本高麗永寧地

北盟會編二十八程至咸州二十九程至同州州地平壤居民所在成聚落耕種殆遍地

宜稼黍

許亢宗奉使行程錄自咸州九十里至同州

咸州

遼史咸州安東軍下節度渤海置銅山郡詳前渤海條地多山險寇盜以爲淵藪乃招平營等

州客戶建城居之初號浩里蒙古語例也舊作郝里今改正太保城開泰八年置州兵事屬北女真兵馬

司統縣一咸平縣唐安東都護天寶中治營平二州間卽此太祖滅渤海復置安東軍開

泰中置縣

金完顏羅索碑宗室烏楞古滿洲語臍也舊訛翰魯古今改畧地咸州王按羅索珣金源郡王合兵禦之乃往敗其

戍兵三千於境斬其將遂會烏楞古旣而聞敵兵且至王留四穆昆精銳各守一門與烏

楞古濟水分兩翼王居左翼敗其所衝追殺畧盡烏楞古軍却退與所留諸穆昆整陣而

立王返兵擣敵背大敗之咸州旣下因徇地黃龍府

北盟會編二十七程至興州二十八程至咸州

許亢宗奉使行程錄自興州九十里至咸州

信州

遼史信州彰聖軍下節度渤海置懷遠府詳前渤海條開泰初置州以所俘漢民實之兵事屬

黃龍府都部署司統州三未詳縣二武昌縣本渤海懷福縣地析平州提轄司及豹山縣

一千戶隸之定武縣本渤海豹山縣地析平州提轄司併乳水縣人戶置初名定功縣

許亢宗奉使行程錄自同州四十里至信州

元一統志黃龍府西曰信州

賓州

遼史賓州懷化軍節度本渤海城統和十七年遷烏舍戶置刺史於鴨子混同二水之間

後升兵事隸黃龍府都部署司

金史太祖十三年命布呼滿洲語鹿也舊訛僕廸今改正等攻拔賓州烏舍楚古爾蘇蒙古語杉木也舊作維鵲室今改正

來降遼將徹格爾蒙古語潔淨也舊作赤狗兒今改正戰於賓州布呼敗之鐵驪王以所部降

松漠紀聞翁舍展舊作溫熱者今從八旗姓氏通譜改國不知其始所居後為契丹徙置黃龍府南百餘里

曰賓州州近混同江即古之粟末河也部落雜處以其族之長為千戶統之

松漠紀聞契丹自賓州混同江北八十里建寨守禦女真

契丹國志宋政和五年金太祖攻遼破賓州

龍州

遼史龍州黃龍府本渤海夫餘府詳前渤海條太祖平渤海還至此崩有黃龍見更名保寧七

年軍將燕頗叛府廢開泰九年遷城於東北以宗州檀州漢戶一千復置統州五縣三黃

龍縣遷民縣永平縣

金史收國元年八月上親征黃龍府次混同江無舟上乘馬徑涉九月克黃龍府

許亢宗奉使行程錄自信州九十里至富魯滿洲語優長也貝勒寨又四十里至黃龍府

遼太祖射黃龍於此地自黃龍府東行六十里至托色滿洲語權也舊貝勒寨府為契丹

東塞當強盛時俘獲異國人遷徙雜處於此南有渤海北有鐵驪托歡蒙古語金也舊東

南有高麗東有女真室韋北有烏舍西北有輝和爾党項西南有奚故此地雜諸國風俗

元一統志賓州之西曰黃龍府即石晉少帝初安置之地

遼史益州觀察屬黃龍府統縣一靜遠縣

金史收國元年正月上自將攻黃龍府進臨益州州人走保黃龍取餘民以歸留羅索覲

尼楚赫滿洲語味也舊守黃龍上率兵趨達嚒噶城蒙古語頭目也舊次寧江州西

許亢宗奉使行程錄自托色貝勒寨九十里至曼濟勒噶蒙古語纓絡也舊貝勒寨道旁

有契丹舊益州賓州空城又六十里至古烏舍寨寨枕混同江過江四十里至呼勒希滿洲

語愚蒙也舊作寨又東行五里即有潰堰斷塹自北而南莫知遠近界隔甚明乃契丹昔

和里闕今改

與女真兩國古界也八十里直至拉林河

遼史安遠州懷義軍刺史屬黃龍府

遼史威州武寧軍刺史屬黃龍府

契丹國志宋政和五年金太祖攻遼破威州

遼史清州建寧軍刺史屬黃龍府

遼史雍州刺史屬黃龍府

湖州

遼史湖州興利軍刺史渤海置兵事隸東京統軍司統縣一長慶縣

渤海

遼史渤海清化軍刺史渤海置兵事隸東京統軍司統縣一貢珍縣

郢州

遼史郢州彰聖軍刺史渤海置兵事隸北女真兵馬司統縣一延慶縣

銅州

遼史銅州廣利軍刺史渤海置兵事隸北兵馬司統縣一析木縣本漢望平縣地初隸東

京後來屬

明一統志析木廢縣在海州衛東南四十里渤海花山縣遼改析木置銅州金屬澄州元

省

涑州

遼史涑州刺史渤海置兵事屬南兵馬司詳前渤海條

率賓府

遼史率賓府刺史故率賓國地詳前渤海條

定理府

遼史定理府刺史故挹婁國地詳前渤海條

鐵利府

遼史鐵利府刺史故鐵利國地詳前渤海條

安定府遼史僅存其名不載沿革

長嶺府遼史不詳沿革當仍渤海條

鎮海府

遼史鎮海府防禦兵事隸南女真湯河司統縣一平南縣

冀州

遼史冀州防禦聖宗建升永安軍

東州

次三南州原流考 卷一 疆域

遼史東州以渤海戶置

尙州

遼史尙州以渤海戶置

吉州

遼史吉州福昌軍刺史遼史不詳沿革

麓州

遼史麓州下刺史渤海置見前渤海條

荊州

遼史荊州刺史遼史僅存其名不載沿革

懿州

遼史懿州寧昌軍節度太平三年越國公主以媵臣戶置初曰慶懿軍更曰廣順軍隸上

京清寧七年宣懿皇后進入改今名統縣二寧昌縣本平陽縣順安縣按遼史有兩懿州一載東京道一載

上京道據史初更廣順軍隸上京則實一州也第此云本越國公主而上京又稱聖宗女燕國長公主為小異考聖宗女為越國公主燕長主則聖宗之姑史必有一誤遼東行部

誌亦同州在顯州東北三百里西北至上京八百里戶四千

遼東行部誌懿州古遼西郡即柳城之域有寶巖寺遼聖宗女燕長主所建

元一統志豪州本遼時懿州金皇統三年省入順安縣後復置國朝初因之至元六年省

入順安縣

明一統志廢懿州在廣寧衛北二百二十里嘗置衛於此永樂八年廢

勝州

遼史勝州昌永軍刺史史不載沿革以州名按之亦當為勝州所置

順化城

遼史順化城嚮義軍下刺史開泰三年以漢戶置兵事隸東京統軍司

寧州

遼史寧州觀察統和二十九年伐高麗以渤海降戶置兵事隸東京統軍司統縣一新安

縣

衍州

遼史衍州安廣軍防禦以漢戶置初刺史後升軍兵事屬東京統軍司統縣一宜豐縣

金史遼舊衍州安廣軍皇統三年廢為宜豐縣有東梁河按遼志東梁河亦曰大梁河今太子河也舊名衍水燕太子丹

此匪衍水即此境之州名當取此

明一統志宜豐廢縣在遼東都司城西南一百里遼置衍州金屬遼陽府元省入遼陽

連州

遼史連州德昌軍刺史以漢戶置兵事屬東京統軍司統縣二安民縣

歸州

遼史歸州觀察太祖平渤海以降戶置後廢統和二十九年伐高麗以所俘渤海戶復置
兵事屬南女真湯河司統縣一歸勝縣

蘇州

遼史蘇州安復軍本高麗南蘇城興宗置州兵事屬南女真湯河司統縣二來蘇縣懷化
縣

松漠紀聞東京有蘇扶等州蘇與中國登州青州相直東丹王封於此謂之人皇王不得
立自蘇乘筏浮海歸唐

鴨江行部誌自永康次順化營中途望西南兩山巍然浮於海上訪諸野老云此蘇州關
也遼之蘇州今為化成縣關禁設自有遼以其南來舟楫非出此途不能登岸相傳隋唐
之伐高麗兵糧戰艦亦自此來南去百里有山曰鐵山常屯甲士七千人以防海路

復州

遼史復州懷德軍節度興宗置兵事屬南女真湯河司統縣二永寧縣德勝縣

元一統志廢復州本遼遷民縣屬黃龍府後置復州號永寧軍節度改縣曰永寧後又更
為永康省豐水扶羅入焉金因之所居皆漢民地甚肥沃有耕稼之利

肅州

按前明設復州衛
本朝仍為復州

遼史肅州信陵軍重熙十年州民亡入女真取之復置兵事隸北女真兵馬司統縣一清安縣

許亢宗奉使行程錄自咸州四十里至肅州又五十里至同州

遼東行部誌清安縣世傳遼太祖始置爲肅州金爲縣

元一統志清安縣故城在咸平府西北舊肅州

安州

遼史安州刺史兵事隸北女真兵馬司

遼東行部誌歸仁縣遼時爲安州

元一統志歸仁縣故城在咸平府北舊安州

榮州

率州

荷州

源州

渤海州以上五州遼史僅載其名不詳沿革

寧江州

遼史寧江州混同軍觀察清寧中置初防禦後升兵事屬東京統軍司統縣二混同縣

金史本紀太祖進軍寧江州十月朔克其城次拉林城

大金國志太祖十三年起兵攻混同之東寧江州敗高仙壽取寧江遼再遣蕭嗣先屯珠

赫滿洲語水也舊店臨白江與寧江州女真兵對壘女真潛渡混同江掩擊之嗣先兵潰

松漠紀聞寧江州去冷山百七十里地苦寒多草木如桃李之類皆成園至八月則倒置

地中封土數尺季春出之否則凍死每春水始泮遼主必至其地鑿氷釣魚放弋為樂暨

金祖起兵首破此州

河州

遼史河州德化軍置軍器坊詳前渤海條

祥州

遼史祥州瑞聖軍節度興宗以鐵驪戶置兵事隸黃龍府都部署司統縣一懷德縣

契丹國志宋政和五年金太祖攻遼破祥州

金史太祖十三年烏達布滿洲語闢地改復敗徹格爾蕭伊蘇蒙古語九數也於祥州東

幹琿滿洲語臭也舊等兩路降

遼營衛 阿延女真

遼史阿延滿洲語尊大也女真部聖宗以女真戶置隸北府節度使屬西北招討司戍鎮

州境

伊德女真

遼史伊德蒙古語令食也舊作乙典今改女真部聖宗以女真戶置隸南府居高州北

五國部

遼史五國部博和哩滿洲語碗豆也舊國博諾滿洲語電也舊國鄂羅木蒙古語渡口也舊作奧里米今

改披寧古塔東北國伊塔圖滿洲語明顯也舊國伊勒希滿洲語副也舊國聖宗時來附

居本土以鎮東北重熙六年設節度使領之

大金國志宋二帝自韓州徙五國城五國城者在西樓東北千里

北盟會編五國之東接大海出海東青女真每發甲馬千餘人入五國界即東海巢穴取

之與五國戰鬪而後得

金史景祖時五國博諾舊作蒲轟即益奴也今併改部節度使叛遼鷹路不通景祖襲而擒之

金史遼咸雍八年五國穆延舊作沒然今從八旗姓氏通譜改部舍音滿洲語白色也舊作謝野今改貝勒叛遼鷹路不

通景祖伐之舍音敗走

元一統志開元路三京故國五國舊城東北一都會也披元之開元路所統至廣據元一統志所載長白山亦在境內東極

於使犬路非止今一縣地也

元一統志混同江發源長白山北流經渤海建州西五十里會諸水東北流經上京下達

五國頭城北又東北注於海

明一統志五國頭城在三萬衛北一千里自此而東分爲五國舊傳宋徽宗葬於此國城之說不一或謂寧古塔東松花黑龍二江合流之處有土城焉或以爲在朝鮮北境近寧古塔有故城在山上或以爲去燕京三千八百里西至黃龍府二千一百里或謂寧古塔相近槍頭街有舊城址五疑卽是也據金太宗本紀云天會六年徙昏德公重昏侯於韓州八年再徙呼爾哈路則實在寧古塔也宋史稱韓州五國城誤合爲一地籍語書皆約畧之辭未有實據今三姓地方相傳有五國城遺址

謹按遼東北之境與完顏部爲隣白山黑水雖隔封外而壤地相錯經界分合之故史乘尙有可稽其最近者上京之長春州東京之寧江州皆混同江之地長春州遼時春蒐巴納在焉寧江則金太祖起兵首集大勲於此按之

皇輿全圖長春當近白都訥寧江實傍拉林河次若黃龍府賓咸等州並都會衝要遼金百戰之區亦與混同江相近行程里數具存其餘遼瀋諸州東京規畫所關不容罅漏且里至遠近亦藉以考覓若中京則相去稍遠不復贅列焉至遼金舊界諸書尙約畧可考遼史營衛志所載阿延伊德二部蓋女真之係遼籍者五國城之說紛然不一遼史各有國名大約在寧古塔以東東接大海而五國城則爲五國至遼總集之所蓋五國部節度使所治之城所云自此而東分爲五國者近之亦不越寧古塔境內初不必有舊城址五而後爲是也並附於末用資參考云